



60 1 2 3 4 5 6 7 8 9

10

1 2 3 4 5 6 7 8 9 80

1 2 3 4 5 6 7 8 9

C40-4514

了翁主座請大歲及百
家書置之武州紫雲山
找微矣塔院廈中木
為學者不敢許出閑內
當山三世鐵牛機謹誌



64853

達變權禪師語錄卷第一

侍者海澂記錄

住明州慈谿縣五磊山靈峰禪寺語錄

佛殿釋迦是長兄彌勒是同學互換主賓遞相酬酢
今朝正令既當行展坐具云請看當陽者一著
伽藍伽藍真宰護世出世輔弼叢林辨魔揀異
建汰幢莫負靈山記

祖堂拈華一脈直至如今如水入水似金博金祖祖
相承無別事三玄戈甲振叢林
據室據此室行此令秉吹毛劒握大圓鏡斬釘截鍊

[提述]

[提述] 卷一百一十五

不容情從教魔佛聖凡來乞命爲甚如此祇貴印印
無差機機圓證

四衆請就本寺開堂拈疏言言見諦句句超宗珠回
玉轉行布圓融文彩未彰旛薦得密移一步看飛龍
提汰衣多子塔旛親付授黃梅室內爲傳持自從盧
老收歸後須信人人總有之彩霞簇錦縫奇一肩荷
負更繇誰千古萬古作標格猶待當來彌勒披
汰座此座從來高廣佛祖次第出興箇箇揚塵散土
攬得海沸波騰今日千燈坐斷從教八面風清

拈香此一瓣香諸佛不知鬼神莫測非陰陽之所生

豈鋒刀之能剋煞向爐中端爲供養正覺世間主有
情世間主器世間主伏願妙德尊寰宇高明朗太虛
金輪統御四天下兵氣銷爲日月光但見皇風成一
片不知何處有封疆次拈云此一瓣香根盤空劫葉
覆穹蒼瓦今瓦古爲瑞爲祥奉爲文經武緯貴胤功
勛伏願靈機弘聖道真智利羣生旁分帝化爲傳持
妙印手持三界靜復拈云此一瓣香廿季參請辛勤
曉夜孜孜切切初於天童得名後於靈峰得地累次
親遭毒手幾翻絕後再蘇直得骨露皮穿不敢囊藏
被蓋端爲供養卽此堂上山翁大和尚用醻汰乳之

撰述

高僧傳言錄卷一

恩遂斂衣敷坐維那白椎云汰筵龍象衆當觀第一
 義師云蓦然一擊如雷咅驚得虛空開笑口萬象森
 羅齊點首明明歷歷太分割還有知音者麼不妨共
 相證明僧問歸根得旨卽不問斬新條令事如何師
 云萬人遐仰處紅日正當空進云恁麼則龍得水時
 添意氣虎逢山色長威寧師云妙舞應須誇偏拍三
 臺須是大家催僧便喝師云且放過一著僧復喝兩
 喝師云三喝四喝後又作麼生僧遂歸衆問答日寶
 壽開堂三聖推出一僧壽便打意旨如何師云正令
 當行進云旣然如是因甚三聖又道瞎卻鎮州一城
 人眼公在師云疑殺天下人進云今日新靈峰陞座
 也不用棒也不瞎卻人眼畢竟將何爲人師云一句
 回開三要印燦迦眼出透金塵進云人平不語水平
 不流師云賴得闍黎領話僧便喝師便打乃云十方
 同聚會明明古佛家風徧界絕遮攔處處祖師巴鼻
 樓閣雲中僧世界栴檀海岸老叢林金風起而枯木
 龍吟霜葉凋而寒岳翠散林間鳥語共唱無生嶺上
 猿聲深譚般若落落風清三佛地溶溶月朗四明洲
 直得人人頂門上輝大寶光各各腳跟下縱橫十字
 果是超方作者豁開正眼圓明便乃透過百帀千重

[擬述]

不妨任意橫三豎四如是則念念靈山出世步步兜率下生分別現舅殊之心運用動普賢之行頭頭引歸寶所味味盡是醍醐然後以金剛劍剪除異見稠林斲貫索穿盡衲僧鼻孔梯航三有津濟四生堪報不報之恩共助無爲之化正當恁麼時流通正脈扶豎綱宗一句又作麼生道寶藏撥開於此日千燈五葉轉光新復舉興化和尚云三聖道逢人卽不出出則便爲人興化則不然逢人卽出出則不爲人雪岳欽云二大老所謂一條拄杖兩人昇被天寧拘作兩橛了也以拄杖倚左邊云且聽各自平分師云欽祖

幸然拘折今日不肖兒孫未免要將鸞膠爲伊續起逢人卽出逢人不出兩彩一賽如箭中的金鳳銜華下彩樓眼裏瞳人吹觱篥三臺須是大家催無限清風生八極白椎云諦觀汰王汰汰王汰如是卓拄杖一下下座

廸參靈峰寺裏開爐炭整家常儘有更賴現煎兄弟竭力同心出手輕輕撥動火柴頭烈焰瓦天躰牛斗冷灰豆爆忽雷轟叢林盡作師子啞斲送生蛇化活龍壅排古佛離窠臼無賓主句火爐頭笑他趙老揚家醜後來雪岳欽又云不冷不熱爐鞴半真半假金

鎰鑄作鉢盤釵釧卻成品字柴頭且道與趙州無賓
主話相處多少若向者裏緇素得出二大老性命在
諸仁手裏若緇素不出諸仁性命卻在山僧手裏卓
拄杖云還委悉麼莫向白雲淡處坐好看千嶂起風

雷

開爐上堂烹佛烹祖大爐鞴量等虛空包汰界燬凡
燬聖惡鉗錘千手大悲亦皺眉鈍鎌頑銅銷燬盡精
金美玉轉新奇烈燄不容蚊蚋泊何妨就裏走神龜
把住則乾坤陡黑放行則電卷風馳頂門燬出金剛
眼炬赫光明徹四維所以道般若如大火聚般若如

清涼池熾然大用宗爾無爲洞然明白何假思惟縱
橫自在得大總持山僧如斯告報祇貴直下知歸直
饒與麼會得更須知有向上全提且道如何是全提
底意旨豎起拂子云無邊虛空包不住直透威音那
畔旅復舉外心和尙挾起火示僧云喚作火則燒殺
你不喚作火則凍殺你今日試問諸仁向者裏作麼
生回避如回避不得不妨與諸仁通箇消息遂頌云
燒殺凍殺卒難回避擬議纔生腦門著地勸人除卻
是非難點鎌化成金卽易一踏鴻門兩扇開七通八
達恣遊戲謗說明州布岱憨騰騰任運了無寄

旨超二上座募藏經入山上堂兼謨檀越齋量等大
 千經卷誰知在一微塵無量國中難聞名字河沙劫
 內罕遇傳持幸有明眼衲僧等閒剖出大藏小藏無
 盡藏兼之大心居士在運助轉食輪汰輪如意輪不
 勞白馬西來關山遠涉祇以慈航東渡穩載而歸安
 置毘盧樓閣之內展開明牕淨几之前目睹而心心
 契合指掌而念念圓明一句入神功超曠劫在答常
 詬東請善財南詢至於剝皮刺血爲紙墨爲求半偈
 捈全身是皆爲汰輕生知恩報德然則順佛理而報
 佛恩無先弘汰闡佛曰而開佛眼祇貴明心直得頭
 頭顯露處處全彰所以諸佛體之號三菩提菩薩修
 之稱六度行海慧變之爲水龍女獻之爲珠天女散
 之爲無著華善友求之爲如意寶緣覺悟之爲十二
 緣起聲聞證之爲四諦人空且道在衲僧分上又作
 懿生獄高頓落千峰勢海濶全消萬派聲復舉僧問
 東山演祖云一代時教是箇切腳且道切那箇字祖
 云益囉娘學人祇問一字如何卻會許多祖云八字
 八字師云大小演祖與麼會話畢竟正文未曾道著
 敢問現前兄弟且道如何是正文良久云孔門弟子
 無人識碧眼胡僧笑點頭復頌云一代時教是箇切

腳畢竟正文無人道著當的帝都丁必彬班豹剝圓通無礙底七縱八橫局守一隅底無繩自縛義隨文而文隨義歷歷明明珠委盤而盤委珠灑灑落落卓拄杖云分分舉似作家切忌胡穿亂鑿就中演出妙伽陀定慧圓明無住著

至節小參滴水滴凍止樂困魚難轉動成塊成團水晶宮裏玉龍蟠十分緊俏風頭硬一片冰湖徹骨寒無影對頭霜色白不萌枝上雪華攢翻憶少林冷坐分明特地無端賺得神兌斷臂覓心無處心安於斯薦得一了百當於斯不薦千難萬難亟須勇猛精進

朝夕廢寢忘餐搜到水窟山盡處虛空粉碎髑髏乾大似陽回大地春滿林巒和風浩蕩乾坤潤佛日高縣法界寬復舉僧問洞山寒暑到來如何迴避山云何不向無寒暑處迴避僧云如何是無寒暑處山云寒時寒殺閣黎熱時熱殺閣黎師云洞山古佛雖則善赴來機猶欠悟在何故不應話作兩橛若人檢點得出許你具一隻眼其或未然不免頌出寒時寒殺熱時熱殺霧利衲僧如何超拔腳跟線斷得自繇鼻端泥盡君休刮黃閣簾垂家信通紫羅帳合珍珠撒陰陽寒暑不相干千古萬古阿刺刺

標述

通鑑卷一百一十一

上堂日南長至宮中添一線及時應節律管動飛灰
 陰消陽長暖氣潛回岸容待臘將舒柳山意衝寒欲
 放梅慈明揭榜僧堂雕鐫諸子洞山掇退果桌鈍置
 英才倚天長劖眉間挂兔角龜毛眼裏裁是處全提
 大用頭頭豎抹橫該一聞千悟底如龍得水根塵未
 脫底似鴨聞雷須透徹莫依偎偷心外盡眼睛活鍊
 壁銀山盡豁開且道開後如何十方刹海平如掌愛
 日當陽處處輝

成道上堂棄卻王宮直往雪山六載翛然冷坐萬緣
 迥絕躋攀容鵠巢於頂上挂蜘蛛網於眉彎忽睹明星

出現廓然打破牢關從茲輦出艸窠裏一箇閒人天
 地間且道釋迦老子卽今在甚麼處卓拄杖云來也
 來也在山僧拄杖頭上高聲唱言於一切汰成最正
 覺智入三世悉皆平等吾身充滿一切世間吾音普
 順十方國土譬如虛空具含萬象於諸境界無所分
 別又如虛空普遍一切於諸國土平等隨入身恆徧
 坐一切道場菩薩衆中威光赫奕諸仁若向者裏諦
 信得及靈山一會儼然未散你若稍或眼目定動釋
 迦老子又入琉璃古殿太也山僧忍俊不禁祇得重
 說偈言真宗絕朕大道無名本來無壞安得有成萬

里雲收午夜一天星斗圓明雖然拾得鼻孔不知打
失眼睛凜凜真風吹徧界叢林千古轂佳聲卓拄杖
下座

除夜小參歲復歲今日復日看看今夜又除夕等閒
白了少季頭一歲光陰又虛擲已躬下事如未明浪
死虛生無利益要於身後免沈淪好向死前先畫策
莫教一息不來時追悔從前空自責直須打破死生
關一念萬季無變革死而至道無難惟嫌揀擇心心
不住超宗越格便能使得十二時三際不分何間隔
逆順縱橫得自繇捏聚依前又開闢所以道季來季

太平來不動乾坤歲舊歲新新舊一般時節如是則
塵塵爾刹刹爾念念爾正恁麼時不涉新舊太平一
句作麼生道能爲萬象主不逐四時猶記得古人有
頌云坐守空山歲又窮夜堂相聚話西東少林一曲
無今古自是諸方調不同新靈峰今廻不免效顰貴
要大家具眼歲歲今宵局有窮循環如日轉西東舊
新寒暑雖更改底事明明絕異同

元旦上堂拈香一爐爇處是處皆然彌六合香徹
大千九重騰瑞氣萬國謁祥烟祇奉一人天地貴從
教諸道自分權斂衣敷坐云三陽開泰春歸玉苑洪

60 1 2 3 4 5 6 7 8 9

80 1 2 3 4 5 6 7 8 9

按述

通鑑稿詩卷一

釣氣轉凍解銀塘七政順序四海安詳雨暘時若物
阜民康兵器銷爲農器征帆轉作慈航放牛於桃林
之鴟歸馬於華山之陽和風宛若慈風溥舜日端如
佛日長直得人人悟毘盧性海各各明本地風光正
與麼時元正啓祚應時納祐一句作麼生道祇園今
古饒春色采采渾開簷葡萄香

罷爐上堂兼謝兩序及知尼藏公齋東風漸暖萬木
將新崖壽春水滑雲外鳥聲頻水面冰浮似玉枝頭
梅白如銀一一發明妙有頭頭顯露天真覩面分明
無向背塵塵盡是本來人有時把斷要津九十日中
冰枯雪老有時放開一線華香日麗美景良辰全放
卽收也泥牛鬪入海全收卽放也一馬生三寅祇要
諸仁淨羸羸光吞萬象赤灑灑氣絕諸塵微頭微尾
不昧元神殷勤爲解丁香結放出枝頭自在春況復
明眼知音同心相照手交肘臂互作主賓洗清佛日
助轉汰輪更換垂手入廬隨方善應打開寶藏運出
家珍將折箸攬長河爲酥酪百味具足調勻直得箇
箇飽齁齁地汰喜禪說相親團圓共說無生話一會
靈峰萬古新正當今日因齋慶讚卽且置祇如該羅
萬有一句作麼生道卓拄杖云一氣不言含有象萬

撰述

選錄禪問語錄卷一

靈何處謙無私

燈節小參最勝良宵上元佳節銀燭高燒寶檀細熟
燈月交輝處處不別最分明太皎潔佛祖家風盡情
漏渫明眼衲僧如何分雪果然益色騎聲便解抽針
拔楔從教萬緒千端自是七穿八穴若也逐色隨聲
未免眼中著屑問諸仁瞽不瞽若也瞽萬兩黃金合
消若不瞽契水也須防噎莫因循當猛烈聲色堆中
須打徹爲要諸仁氣分同山僧不是多饒舌復舉東
坡居士問蔣山佛慧泉禪師如何是智海之燈泉邊
龕偈曰指出明明是甚麼舉頭鵠子穿雲過從來者

盈最希奇解問燈人能幾箇東坡雖則欣然有會蔣
山未免傷慈太殺若是山僧如何是智海之燈葛召
云大衆衆舉首乃云耿耿孤光常獨耀不勞挑剔照
人寰

上堂山僧昨廻剛睡著時夢見藥師琉璃光如來與
須彌燈光如來在十字街頭同看鼈山燈火藥師如
來應時及節而說偈言一燈能續百千燈心印光通
汰令行千聖不傳吹不滅聯輝烈燄轉分明於是須
彌燈光如來隨聲唱和慧燈不滅魔難入智鏡常明
夢不侵堪歎浮生瞞睡漢從教萬劫恣昏沈彼時權

橫述

卷一

長老從旁亦說偈言大矣哉甚奇特一燈照徹塵沙國光輝八萬四千土土皆作黃金色四生六道一光中祇爲情生而智隔直下分明須剝絕莫待當來問彌勒大衆昨夜夢說禪今朝禪說夢自納一場敗闕不合驚羣動衆且道權上座甚處敗闕明眼人前不得說夢卓拄杖下座

百丈忌拈香堂堂師表間氣英雄機先路活頂門眼空剝絕野狐知見剖開佛祖心胸倒行摩竭令全露少林宗兒孫徧界克振家風繩繩步武王應金春恩大難醻何以報旃檀一瓣爇爐中

皆然化士歸山上堂佛事門頭不捨一汰東風一扇羣華發實際理地不受一塵蟬穿潭底水無痕無象無私春入律不留不礙月行空萬象光吞無內外微塵佛刹盡圓通所以道碧落青霄道人活計逆行順化衲子家風行無緣慈作不請友纔伸驢腳便展佛手見三下三三三如九杖頭挑日月須彌挂北斗驚起東山水上行嚇得磨盤空裏走等閒一吸滄溟竭瑩珍異寶般般有滿船載得月明歸無限清風生戶牖考鐘伐鼓雁堂前四海高流同聚首果然一飽忘百饑知音不用重分剖正與麼時大功不宰卽且置

撰述

涅槃經白舌論卷一

全提正令一句作麼生道卓拄杖云域中日月縱橫
挂一瓦晴空萬古春

涅槃上堂問本來不生因甚世尊降生藍毘尼園師
云秦樓訶夜月進云本來不滅因甚麼入滅雙林對
下師云魏殿舞春風進云祇如達磨大師葬於熊耳
山前因甚又隻履西歸師云也要你知者箇消息進
云某甲則不然來去無留礙卷舒任自繇師云且信
你一半乃云老瞿曇沒意智纔出胞胎四顧稱尊因
甚又往雪山夜覩明星方纔瞥地自說諸法寂滅相
不可以言宣因甚四十九季敲土揚塵三百餘會口

勞舌沸自說諸行無常是生滅法因甚又道於然燈
佛所得值八百四千萬億那由他諸佛悉皆供養承
事與夫無量劫中捨頭目髓腦國城妻子象馬七珍
修諸苦行種種布施自說於然燈佛所實無有法可
得因甚拈華示衆付屬歎光流通正法眼藏與諸菩
薩授阿耨多羅三藐三菩提記自說常在靈鷲山及
餘諸住處因甚向拘尸那畔雙林對下摩胸告衆今
日則有明日則無郁示雙趺愈加一場鈍置傳敲將
來歲歲今萌謂是涅槃時至恰值化主殷勤辦供嚴
備香華燈燭茶果珍饌美味不肖遠孫因風吹火燒

撰述

卷一

牛頭旃檀五分法身之香熏你鼻孔使你無處回避
 上來與麼哆哆和和且道是贊揚是罵詈卓拄杖云
 諸仁若向者裏薦得於其中間來去真無礙卷舒信
 自繇妙用縱橫得大善利祇如爲衆竭力報佛深恩
 底人畢竟功歸何所卓拄杖云玲瓏八面活潑潑千
 古萬古振綱宗

大悲生日陞座今朝二月十九日大悲菩薩降生辰
 本來妙體無生滅緣何示現大士身爲憫娑婆諸苦
 趣所以分身徧剝塵紺目澄清香水碧月皎潔海
 門新楊柳風清除熱惱淨解露冷灑災厄五濁波中

施寶筏紅塵路上指述津塵中能作主化外自來賓
 三十二應遊諸國土千百億化度脫沈淪圓滿淨如
 空界月照空今古絕疎親大眾分身應現卽不問且
 道如何是真月良久云休於天上覓莫向水中尋卓
 拄杖下座

化士歸山上堂無上兩足尊佛種從緣起六度四無
 量任運不停止爲滿足菩提即身如敝屣佛佛旣皆
 然祖祖亦如此寶壽作街坊爲衆如爲已忽聞無面
 目便悟單傳旨南辰信手攀北斗回身倚光陰幾百
 年清風猶未已阿誰頭上沒青天彼旣丈夫我亦爾

60 1 2 3 4 5 6 7 8 9

10

80

1

2

3

4

5

6

7

8

9

廓然當下心眼開曠劫頓超一彈指無邊剎海掌中
觀大地撮來粟粒米供養十方羅漢僧饑虛礼絕咸
歡喜正法眼藏廣流通徧界優曇開火裏呵呵呵委
不委一程不涉便歸家擬議白雲千萬里復舉古人
道智不到處切忘道著道著則頭角生旛輩與麼說
話大似病鳥棲蘆太殺無轉智靈峰則不然智不到
處正好道著雨灑岳雩風生殿閣診候臨時應病與
藥看孔著楔解黏去縛天馬挨開大施門震動乾坤
星斗落卓拄杖下座

清明上堂僊石問禁煙令節存亡感慟斯辰覩座高

登未審如何指示師拈拄杖云天上有星皆拱北人
間無水不朝東進云一句迴開萬靈有賴師云且道
甚麼人境界進云一把柳絲收不得和烟搭在玉欄
干師云休誇澤色黃金嫩切忘西風市地吹僧禮拜
乃云迅速韶光如電掣看看又是清明節萬紫千紅
開画圖不用安排與羅刹靈雲一見兩眉橫引得漁
郎恣饒舌鷗鴟唳處百竽香直截爲人人不督慎終
追遠世相傳拜埽先坐低不迭高低無限土餽頭蘿
沒智愚與豪傑紙錢灰滿千家冢哭到衰陽聲哽咽
轆轤上下浪死虛生換面改頭百醜千拙愛河渺渺

60 1 2 3 4 5 6 7 8 9

80

1 2 3 4 5 6 7 8 9

撰述

這般利口詩集卷一

幾時枯業海茫茫何日竭要於當下免輪迴①須向
此中親打徹叮嚀我輩出家兒辦道身心須猛烈放
開胸次冷如冰豎起脊梁硬似鐵不容豪髮有誦謗
是佛是魔俱剝絕果然大用現前自是頭頭合轍一
毫不露處何妨嶽積山堆萬匝全彰時卻又影沈光
滅卷舒出沒自繇應現千差萬別能挑海底金燈善
出眼中玉屑鉗錐十聖三賢敕點飛龍跋鼇傳持無
盡莫窮年將此深心奉塵刹然雖如是猶屬化門不
落諸緣一句作麼生道卓拄杖云十方刹海無倫匹
千古萬古獨巍巍

上堂僧問法座當軒容進步德山托盃事如何師云
殘羹餽飯不勞拈出進云雪峰道鐘未鳴鼓未響托
盃向甚麼處去山便歸方丈意旨如何師云風動水
生紋進云峰舉似巖頭頭曰大小德山未會末後句
甚處是他未會末後句師曰殺人刀活人劍進云德
山道汝不可老僧那頭便密啓其意如何是密啓其
意師云爛泥有刺進云德山來日上堂頭云且喜老
漢會未後句雖然也只得三季活既會未後句因甚
只得三季師云如蟲禦木進云和尚與麼會話與古
人還有優劣也無師云優則總優劣則總劣進云水

撰述

這夢禪印譜錄卷一

共

向石邊流出冷風從等裏過來香師云且莫詐明頭
 僧喝師便打僧禮拜云無雲生嶺上有月落波心師
 云猶是亂統乃云劫毒邇步孰是知音格外橫身誰
 當辨的二聽絕聞其響五眼莫睹其形直饒威音那
 畔承當未免打作兩橛縱使卻來者邊行履也應難
 許十全有佛處不得住抹過恆河沙國土春風孰道
 在等支鸞鳳不棲荆棘對無佛處急走過鎖夢關空
 成險墮莫守寒岳異艸青休戀白雲深處坐有無不
 住絕商量妙用縱橫迥異常熟盃畫鳴翻古調鍊牛
 夜咼換新腔蟻螟眼裏放夜市卓拄杖云須信吾宗

別有長復舉僧問洛浦供養百千諸佛不如供養一
 箇無心道人未審百千諸佛有何過無心道人有何
 德浦曰一片白雲橫谷口幾多歸鳥盡逃巢後有尊
 宿云要識箇中意牛頭尾上安山僧則不然要會箇
 中意一老一不老於斯明得今日鑑明禪德領衆居
 士揮金辦供施者不作施想受者不作受想彼此一
 念純真實體三輪空宗功超五果四向福等虛空無
 盡於斯未明大眾一時應供不得敲破一粒米久參
 先德何用忉忉廻學初機更爲頌出百千諸佛無心
 道人元無彼此卻有疎親夜蟾自是有圓缺古鏡從

撰述

卷之三

十一

來不受塵卓拄杖云者段家風誰會得騰騰任邇劫
毒春

砦參舉石霜禪師道初機未覩大事先須識取頭其
尾自至疎山參問如何是頭霜曰直須知有如何是
尾霜曰盡卻今時有頭無尾時如何霜曰吐得黃金
堪作甚麼有尾無頭時如何霜曰猶有依倚在直得
頭尾相稱時如何霜曰渠不作箇解會亦未許渠在
後僧問九峰如何是頭峰曰開眼不覺曉如何是尾
峰曰不坐萬季牀有頭無尾時如何峰曰終是不譽
有尾無頭時如何峰曰雖飽無力直得頭尾相稱時
如何峰曰兒孫得力室內不知師云二大老與麼提
持雖是祭鬼神茶飯鬼神也無狀足山僧不免更著
一分如何是頭萬季天子不封侯如何是尾四海五
湖王化裏有頭無尾時如何潛龍勿用有尾無頭時
如何好所佛堂而佛不聖如何是頭尾相稱底句夜
明簾外排班立空王殿上絕知音且道與古人相公
多少具眼者岸取

達變權禪師語錄卷第二

侍者海澂記錄

住明州慈谿縣五磊山靈峰禪寺語錄

佛誕請上堂僧問本來不生因甚降生於皇宮師云
病眼見空華進云天上天下唯我獨尊如何是獨尊
之旨師云倚天長劖逼人寒進云今日和尚現大人
相與世尊是同是別師云直教他倒退三千里進云
恁麼則答曰瞿曇今朝和尚師云罕逢穿耳客多見
刻舟人問世尊初生一手指天一手指地意旨如何
師卓拄杖一下進云祇如雲門一棒打殺又作麼生

撰述

卷二

師云誰人知此意令我憶南泉進云雲在嶺頭閒不
徹水流磽下太極生師云不是者箇道理乃云大人
境界行海無窮三僧祇劫悲願重重未離兜率已降
皇宮纔生下地浩氣吞虹指天上下目顧西東唯我
獨尊三界大雄四十九季湧天布網三百餘會打鳳
羅龍末後拈鬢別展家風單傳教外直指綱宗人間
天上微塵刹海西天此土萬古尊崇如春在鬢不施
其功自然開發萬紫千紅如及時雨誰不歎仰普潤
焦枯悉皆生長如大雲起彌覆穹蒼頓除熱惱徧界
清涼如大日輪任運自在照徹十方蒙無偏愛所以

道剎塵心念可數知大海中水可飲盡虛空可量風
可繫無能盡說佛功德今逢降誕之辰復有大心居
士虔備香齋供佛及僧更請不肖遠孫曲彖高陞舉
揚正法報奮能仁舉揚卽置且道世尊還來受供養
也無若來世尊卽今在甚麼處若不來又供養箇甚
麼諸人向者裏緇素得出與大心居士立地成佛永
無退轉若緇素不出普請同到大殿拈香上供更爲
諸人說破

師到廣潤省觀衆請小參問象駕遠臨師資道重同
風千里無勞問的相承事若何師云象蹋恆河微

底過大千百雜碎如塵進云古德道向上一路千聖不傳又有道向上一路千聖不然祇如不傳不然還有相承分也無師云剎竿頭上仰蓮心進云若不入水爭見長人師云涌金春色廻吹落碧桃華進云如是則好將一滴曹谿水散作波濤起濟宗師云一片何人得流經十萬家乃云不來相而來南嶽天台知幾回不見相而見千里同風常覩面所以道不出戶身徧十方未入門常在屋裏則何假覺城東際始見文殊樓閣門開方參彌勒故靈峰不異此處卽是靈峰不肖雖與本師大和尚相別兩月殊不知夜

暗晝明時時省觀折旋頗仰步步追隨遠遡威音已旣直至盡未來際於其中間豪無間隔有時拈尾作頭有時拈頭作尾君臣道合賓主交參一月印千江千江同一月况有十方英傑四海高賢手眼精明同心相照命不才涼德爲衆舉揚大似布鼓雷門耀螢烈日固知塵培巨嶽難增鷺嶺之高然而露滴天池已接曹源正脈不免更借堂頭老人威光向無言處演言無法處說法直得須彌峯峇海沸波騰白鶴峰委下平田淺水王几案跳上大梵天宮驚起空中天鼓出大音聲唱如是言若人欲識佛境界當淨其意

60 1 2 3 4 5 6 7 8 9

10 1 2 3 4 5 6 7 8 9

撰述

如虛空遠離妄想及諸取令心所向皆無礙合掌峰聞得歡喜踊躍贊言善哉快說汝要獨有拄杖子直頭不點側頭覲道與麼提持座主見解未是衲僧極則處敢問諸仁如何是衲僧極則處卓一下云人居大國方知賈水到瀟湘一擣清記得佛眼禪師省覲東山云暫下蓮峰輕屈指允陰倏爾又三年雖然不隔絲毫許爭似親船到座前龍門老人雖則胸衿流出益天蓋地理事圓融揀點將來向上關捩子猶未道著在諸仁若揀點得出許伊頂門具眼肘後有符揀點不出祇知事逐眼前過不覺老從頭上來

上堂僧問世尊拈華迦葉微笑未審笑甚麼師云笑你漆桶不快進云古人一言之下心地開通因甚昨日上堂今日又上堂師云重重相爲猶且不薦進云人人眼益乾坤箇箇鼻孔遼天因甚不知其義師云怪山僧不得進云某甲禮拜太也師便打乃云過公諸如來卓拄杖云斯門已成就現在諸菩薩卓拄杖云今各入圓明未來修學人卓拄杖云當依如是汝所以道佛佛授手祖祖相傳能收能放最妙最玄有權有實無黨無偏有時遇賤則賈傾國莫能換有時遇賛則賈不值半文錢有時向阿修羅宮打坐有時

60 1 2 3 4 5 6 7 8 9

80 1 2 3 4 5 6 7 8 9

撰述

卷之二

四

向兜率內院安眠有時徧界分身塵塵獨露有時佛眼覩不見密密絲絲隱顯縱橫無間隔從來千聖不同塵完生禪者爲衆竭力念念純真炊無米飯飽不餓人成不可思議解脫作無量殊勝奇特雖然福等須彌未是衲僧極則若得桶底子脫五色綫斷一明一切明一悟一切悟一證永證一得永得頂門上如如不動腳跟下了了常知究竟將來猶是途路中事且道如何是到家一句良久云還鄉盡是兒孫事祖父從來不出門

龜參豎起拂子云拾得大士來也在拂子頭上以梵

音聲宣說偈言佛哀三界子總是親男女恐沈黑暗
阨示儀垂化度盡登無上道俱證苦提路教爾癡衆
生慧心勤覺悟不期掌教世尊聞得卽時踊出拄杖
頭上亦演阿字伽陀曰參禪學道莫輕狂妄順含容
般若光一念直教清似玉萬緣必使冷如霜豁開耀
日金剛眼豎起擰天錙脊梁拶得心寧開發後大千
無處不馨香龍寧教主聞得挺身出衆扼腕立地道
瞿曇瞿曇出語成不遜面皮厚三寸好將八棱棒一
日打三頓於是世尊憊懶而退敢問見毒兄弟作麼
生與黃面老人出氣良久卓拄杖云當臺一鑑明如

標題

卷之三

五

日萬古晴空絕是非

結夏小參九夏安居結制遵行如來舊例我等釋子
 沙門日用固宜審細性天杲日當陽切忌浮雲遮蔽
 古來守護蠟人驗盡衲僧私弊要得大用見毒直下
 有無不繫欲報佛祖深恩必也等心从誓果然行解
 相應自然與道默契絲毫見惑請謗未免眼中有翳
 大丈夫須猛利無明頓斷非容易單刀直入莫因循
 徹底掀翻休擬議萬季一念絕支離一念萬季無變
 異拶得心空及第時一超直入如來地徧界分身得
 自繇出生入死恣遊戲然雖與麼猶落今時更須知

有天地不能益載日月不能照臨陰陽不能陶鑄寒
 暑不能變遷名不得狀不得不禁足護生不安居結
 夏底畢竟如何話會豎拂子云還委悉麼填溝窪壑
 無人會雲自高飛水自流復舉世尊在摩竭陀國說
 法是時將白夏乃謂阿難曰諸大弟子人天四衆我
 嘗說法不生敬仰我今入因沙舊室中夏坐九旬忽
 有人來問法爾代我說一切法不生一切法不滅言
 訖掩室而坐師云世尊雖則老婆心切本分作家殊
 不知特地一場翻成分外何故大似銜玉求售預搔
 待瘡且道諸譏枉甚麼處具眼者辨取若辨不出不

60 1 2 3 4 5 6 7 8 9

1 2 3 4 5 6 7 8 9

據述

送變行旨金言卷之二

免爲蛇画足矣也一切法不生灭來明月上高崕會
得秋光淨如練五湖烟景有誰爭一切法不減金色
頭陀曾漏渫水流礀下太忙生雲在嶺頭閒不徹
結夏上堂勾込退位炎帝當權四海高人罷搖金錫
二千季外風規元無間隔三世如來法式不異絲豪
山僧今日與十方法界情與無情學等無學并見毒
兄弟踞菩薩乘修宋滅行○以大圓覺爲我伽藍選
佛場宏開解脫門廣啓諸仁向者裏豁然悟入則人
人常光見毒各各壁立千仞融通萬有而混成坐斷
要津而一致不促一念不涉三祇直下無一絲毫頭

徧界全彰奇特事如是則禁盡一切衆生之足而無
住相斷盡一切衆生之命而無殺相雖則長養聖胎
要且功勲不涉雖則功勲不涉何妨長養聖胎所以
道理隨事變該萬有而一片虛疑事逐理融等千差
而咸歸實際全理全事全放全收全主全賓全體全
用卽且置無功用行一句作麼生道良久云不起纖
毫修學心無相光中嘗自在卓拄杖下座

天中節上堂律轉蕤賓日正長剛纔結夏又端陽荷
開水面撐天碧梅熟枝頭徧界香金綫細垂谿畔柳
玉梢高出上林篁頭顯露遮那體擬議纔生鎋

量林下道人不隨世變雖逢佳節祇麼平嘗不用桃符

水何須燒酒雄黃百怪千妖俱殄滅土虺赤口

舌藏願見黃河清徹底普天帀地盡安祥從來佛

日無私化炬赫圓明照萬方大眾此是諸佛如來圓

覺境界敢問如何是諸佛出身處(已)於斯明得諸佛

浹身入我性我性同共如來合於此不明兇陰倏忽

催人老嫩綠駸駸已過牆卓拄杖下座

廻參問乾坤之內寓宙之間中有一寶祕在形山今日龍象交參請師當陽揭露師云燭天鑑地無人會進云恁麼則手執夜明珠符幾箇知天曉師云自緣根力淺莫怨太陽偏進云萬古碧潭空界月再三榜攏始應知師云卻也費力不少乃舉雪峰妙湛禪師云一切浹無差雲門胡餅趙州茶黃鵠樓中吹玉笛江城五月落梅萼慙媿太原孚上座五更聞鼓角天曉弄琵琶古人與麼拈提可謂不落宮商調誰人和一場伯牙何所搭此曲舊來長是則固是向上一竅畢竟不會道著山僧不憎着毛不免尋肇一上一切浹無差還須老作家南山呼鼈鼻平地攬魚蝦暗裏抽橫骨風毒露爪牙空中擎閃電石上長油麻不萌艸解藏香象無底籃能著活蛇白格對頭魚扇子峰巒

60 1 2 3 4 5 6 7 8 9

1 2 3 4 5 6 7 8 9

纏露海雲遮諸仁言下知歸便明向上一竅具眼者試道看衆無語擿下拂子云須知雲外千峰上別有靈松帶露寒

上堂問設齋馮居士慶生六月二請師特舉揚世出世間事敢問如何是出世間事師云王離荆岫寒兌動劔出豐城紫氣浮進云如何是世出世間事師云天共白雲曉水和明月流進云恁麼則汰施大眾均霑居士恩歸有地師云恩歸且置如何是你本分事進云在者裏師云認著依舊還隔海僧禮拜師便打問多子壇旣親授記黃梅隊裏獨巖來今日披登尋

王座箇中密意請淡裁師云錫挂靈峰新日月衣披庾嶺舊雲煙進云答曰阿難問迦葉世尊傳金闡外復傳何物還是不知而問爲復知而故問師云不快漆桶進云迦葉名阿難阿難應諾斯時賓主歷然爲甚人人道阿難不會師云卻較些子進云迦葉道倒卻門旣剝竿著爲是單明第一義爲復別有生涯師云焦輶打著連底凍進云恁麼則千聖共傳無底益聯芳不盡永馨香師云也不消得進云今日馮居士奉金闡供養和尚和尚說何汝祝壽師云祇將一滴轉源水普潤三千及大千進云恁麼迦葉猶在師云

且教他過一邊著問森羅及萬象晝夜演無生祇如
 居士未生已奔且道是何消息師云未問已奔薦取
 進云纔生時因地一聲是甚麼人境界師打云還會
 麼進云當陽直截蒙師指卽今慶誕意如何師云月
 籠丹桂遠星拱北辰高進云祇將日月爲天眼指出
 須彌作壽山師云似則也似是則未是僧禮拜乃云
 無上福田衣善哉解脫服佛祖爲傳持作人天眼目
 龍披一縷時烏王便畏縮雞足山中勤守護讓之有
 餘大庾嶺頭提不起爭之不足如今披向粵王座孤
 兮迴迴彩雲簇茲有大居士生長居粵屋篤志慕佛

乘不享人天祿種種妙莊嚴辦供來山谷請我轉法
 輪高登曲彖木不輶雪峰越不唱雲門曲非直截爲
 指南六六三十六以此滅諸殃以此集衆福衆臯如
 霜露日出難藏蓄百福似川流到海能漩渙壽量等
 虛空非延而非促黃河清兮出聖人丹山穴定生鷺
 鷺爲瑞爲祥徧九垓不假栴檀香馥郁古來大有好
 風規維摩毒身是金粟盡未來際無耽倦便是如來
 真眷屬然雖與麼未盡今時及盡也直得三世諸佛
 口挂壁上猶有一人呵呵大笑靈峰向者裏擬著箇
 眼也要諸仁瞽地還委悉麼卓拄杖云那邊不坐空

60 1 2 3 4 5 6 7 8 9

10 1 2 3 4 5 6 7 8 9

王殿蕩蕩無依鳥道玄
廐參炎陰倏忽催人老打辦身心須及蚤不覺安居
兩月過浮生幻景難常保莫教耳聳眼昏零風火散
時空懊惱人人本具打不徹祇爲心田長蔓艸不識
衣中無價珍波吒向外徒尋討饒君能說不能行到
頭難免閻王考若是男兒大丈夫鋟圍山嶽齊衝倒
虛空粉碎地平沈翻轉南辰作北斗十方世界見全
身毛孔盡作師子焰最勝無憂安隱幢天龍宋聽波
旬委報諸仁須自剖潔白不存豈容垢禪說珍鑑尙
不贅誰能更歎無明酒二乘精進莫同儔外道聰明

難共偶慣使金烏仄半明毛羣羽族失所守脫卻竇
八破布衫豎起寒山禿埽帝掣電光中驗正偏大圓
鏡裏分妍醜顛倒陰陽掌握間驅馳佛亦不知有百
千三昧恣遊戲方好宗門出隻手然雖與麼究竟將
來猶是尋常功幹直得進一步超越不可說不可說
無量無邊浮幢王刹退一步坐斷威音那畔更那畔
猶未是他住腳處祇如不進不退時如何良久云儂
家不管興亡事一任和雲占洞庭
解夏小參九十炎陰一刹那已船下事果如何未能
直截明晰旨重疊關山路轉多須究徹莫蹉跎香象

撰述

卷之三

二

漂流爲見河一念不生全體見橫身三界絕籠羅所以道知幻卽離不作方便圓裏十虛本來成見離幻卽覺亦無漸次腳頭腳底橫三豎四祇爲情生智隔想變體殊於日用中而不自覺累他先德回首塵勞向無方便中曲垂方便劃地爲牢加功用行如將谷響千斤換得空箒萬片殊不知真實體上結解他不得修證他不得離名離相無住無依渠能生育天地天地生育他不得渠能長養萬物萬物長養他不得渠能建立一切一切建立他不得渠能破壞一切一切破壞他不得取不得舍不得不可得中只麼得祇

如不落進修一句作麼生道任運常如癡兀人他家自有通人愛復舉世尊因自恣日文殊三處度夏迦葉欲白椎擯出纔拈椎乃見百千萬億文殊迦葉盡其神力椎不能舉世尊遂問爾擬擯那箇文殊迦葉無語師云試問見痔兄弟三箇老古錐其中還有優劣也無若道有優劣未具參學眼在若道無優劣參學眼在甚麼處具眼者試定當看定當不出更打葛藤亦也文殊三處過夏石灰布岱迦葉白椎欲擯出爲他閒事長無明爾擬擯那箇文殊老大大隨人起倒迦葉無語氣急殺人不免更爲頌出脫體風流

60 1 2 3 4 5 6 7 8 9

10

80

1 2 3 4 5 6 7 8 9

10

千般賣俏據令而行不容朕兆就中誰得誰失箇裏
有玄有要秋空月上萬峰頭疎柳隄邊剛落照卓拄
杖下座

解夏上堂兼謝兩序及嘗如知浴齋朱明已亥大火
西流鯤騰北海雁轉南州是處蟬聲噪廻連山木葉
驚秋乾坤一合地餽餅日月兩輪天氣毬至理洞明
會千堊於物表玄機獨脫融萬象於毫頭塵塵不礙
添添全周一夏已來東語西話薦得眉毛在否便明
關字相醻透得底丹霄獨步未透底正好潛修況有
文殊普賢同聲相應釋迦彌勒同氣相求垂手今時

勸勸祖道揮戈佛日炎贊宗猷更有赤心片片真誠
相爲入泥入水自在優遊大似風行艸偃渾如月載
虛舟徧界分身無量億百千師子一毛收正恁麼時
九夏賞勞一句作麼生道卓拄杖云豁開戶牖無拘
束任邇縱橫得自繇

廸參舉大慈寰中禪師示衆云說得一丈不如行取
一尺說得一尺不如行取一寸洞山曰我不恁麼道
曰和尚作麼生山曰說取行不得底行取說不得底
雲居云行時無說路說時無行路不說不行時合行
甚麼路洛浦云行說俱到卽本分事無行說俱不到

標題

卽本分事在師云此四則語一則有賓無主一則有
主無賓一則賓主俱無一則全具賓主若人緇素得
出許伊具透關眼緇素不出山僧更資一路公也行
說俱到卽本分事在行說俱不到卽本分事無諸仁
者還會麼易商量難辨別山僧與麼告報也是鋼鎗
上著生鏹參

砦參舉石屋禪師道月出海門東金波浩渺渺圜又
圜不虧明又明得好寄語白兔翁說與姮娥道收彩
不安遲潛光須及蚤莫待黑雲四面來一天光彩都
無了世間惟有道人心歷劫至今常皎皎師云知白

守黑居安慮危密用潛行蘊光鍾彩還他石屋老人
美則甚美大似獨善其身二乘見解殊不知心月孤
圓光明烜赫風吹不入雨灑不溼日照不明雲遮不
黑也無失也無得旣無得失試問諸仁畢竟如何受
用卓拄杖云成住壞空渠不壞湛湛圜明無變革
中秋上堂問颯颯金風剛徹體明明玉兔正懷胎時
節因緣卽不問當陽一句請師開師卓拄杖云休於
天上覓莫向水中尋進云恁麼則光吞萬象氣絕諸
塵埃也師云且道是阿誰境界進云秋水共長天一
色師云切莫詐明頭乃云看看又是中秋節人人慶

賞咸歡說玉露溥溥溼桂鬱天風吹落黃金屑晴空
 萬里絕纖雲彌滿一輪無空缺一人舉首一輪明十
 世古今都照徹堪笑硃砂強画成誰知弄巧翻成拙
 再三撈撈始應知爭似本來嘗皎潔馬師翫能定當
 正好修行正好供養經入藏今禪歸海獨超物外真
 過量寒山比有深旨澄湛寒潭光徹底照見三千及
 大千光吞萬象無表裏小釋迦纔賣弄倒轉槍旛儕
 爾用沉沉端如五兩輕堆堆何啻千鈞重踢翻滄海
 月沈空大蟲一嘯清風送靈山話費周折哆哆和和
 劍劍掣掣晏殊賣啞妝聲釋老搖脣鼓舌攬得三千
 一路從來別

小參秋風涼秋夜長未歸客思故鄉曠劫流轉三界
 祇緣未徹宗綱縡素莫分鏤冰作玉菽麥不辨認奴
 作郎賴有十方佛祖利生悲願不忘出沒死生如遊
 園觀橫身苦海倒駕慈航無奈勞生不醒沈迷夢境
 頽狂果是英靈漢子豈可自昧心王不用思量卜度
 祇貴直下承當譬如廣額屠兒放下屠刀便言我是

千佛中一數又如七歲龍女寶珠獻上疾往無垢世界坐大道場爲他一信承信再無疑惑一得承得更不回皇是則固是直饒諦信無疑猶是順水推船祇如廻出衆流一句作麼生道擲下拄杖云縱橫逆順無依倚便是威音古願王

重陽上堂中秋纔过重陽便來桂香已謝叢菊將開佛果空於心地種覺粵須向性田栽既爾應時及節何妨豎抹橫該正按旁敲撫憐赤子曲譚直指提獎嬰孩一生取辦無餘事獨有當季箇善財更有許多老宿門庭冷若灰灰爲山拾橡栗爲食隨家豐儉大

梅以荷葉爲衣善自剪裁九季嵩嶽何嚴冷多載西峰甘活蘿不管紅塵世外從教白醭口堆雖然不語其聲如雷至於執爨負春不作不食陸沈下版腰石黃梅箇箇銅頭錙領壁立萬仞崔嵬觀今鑑古堪笑堪哀不惟撥無因果更兼世諦陰媒旣落今時虎皮羊質難免他日象耳魚頤惟冀本色衲僧四楞著地真操實履共樂岳隈行解相應齊著力大家輓取古風回正當恁麼時獨脫無依一句又作麼生道千巒坐斷無回互天上人間不可陪

炮參舉應菴和尙道參學人切忌鎋用心悟明見性

60 1 2 3 4 5 6 7 8 9

10 1 2 3 4 5 6 7 8 9

是鎧用心成佛作祖是鎧用心看經講教是鎧用心行住坐臥語言三昧是鎧用心穿衣喫飯屙屎送尿是鎧用心一動一靜一往一來是鎧用心更有一處鎧用心歸宗不敢與諸仁說破何故一字入公門九牛撋不出師云山僧則不然更有一處鎧用心要與諸仁說破何故文不在茲畢竟如何良久云鵝王擇乳素非鴨類

廸參舉夾山道眼不挂戶意不停玄直得靈艸不生猶是五天之位珠光月魄不是出頭時此間無老僧五路頭無閻黎師云諸仁者旣無老僧又無閻黎且

道夾山老子立地在甚處於斯薦得不惟捉敗夾山三世諸佛無出頭分於斯不明莫謂夾山山勢險并頭更有妙高峰

上堂金剛正體圓裏十虛古今同一際般若智光彌滿六合萬化悉皆如無去無來大圓鏡中彰妙相非生非滅渙粵景裏見全身與麼會得表裏一如本自尊嚴天殃成見兄淑德猶閒四教母儀不媿三遷早季持素性潔秋霜廻入空門戒珠川媚雖殃雪巢夜冷鳳閣香沈須知明月半聰藹殃和氣正恁麼時孝子千日薦母尊嚴畢竟向甚麼處安身立命豎拂子

授述

通鑑補註

云還委悉壓一毫端上全身見一一毫頭渾不差
 刹塵塵無別汰未曾擡步已歸家復舉邢吒太子析
 肉還母析骨還父然後見本身邁大神力爲父母說
 淚大衆骨肉旣還父母了喚甚麼作本身於此不明
 粉骨碎身未足醻於此明得一句了然超百億更爲
 頌出析骨還父析肉還母見出本身超佛越祖二聽
 莫聞五眼難睹擊金鐘敲瓦鼓趙艸關雲門普洞徹
 當陽向上機山河大地咸作舞亦如千日放光明十
 方照徹無今古卓拄杖下座

廸參大治洪爐陶鑄精龐流出萬有不假功夫烹佛

烹祖能文能武通上徹下騰今耀古規模鎔盡本無
 修證萬事臨時自然號令識者罔搭面面相睹獨脫
 英靈迴超述悟報君知休莽鹵大道坦平人心險阻
 自生胡越釘椿搖艸所以括瓜徹蒂括苦瓠連根苦
 果然一簾中紅心管教大地無寸土有時劫火洞然
 烈熾熾地不妨滴水滴凍寒威威地有時萬丈寒冰
 中迸出瓦天烈燄不妨瓦天烈燄裏能結萬丈寒冰
 有如是奇特有如是靈通且道是誰作主豎拂子云
 還委悉麼毘嵐猛風吹不滅聯爛烈燄轉炎新
 初祖忌拈香遙觀赤縣神州來接大乘根器梁皇殿

撰述

卷之三

上全提不契當陽直示一語既不投機合國人追弗至九季默坐少林滯貨不離行市若非斷臂神光幾乎一場鈍置相傳歲歲今朝謂是西來祖忘嚴設香華供養聊表兒孫誠意一瓣旃檀一盞茶碎身難報意何賒自從隻履西歸後徧界時開五葉華

達變權禪師語錄卷第二

達變權禪師語錄卷第三

侍者海澂記錄

住明州慈谿縣五磊山靈峰禪寺語錄

開爐皆嘗二知浴請上堂問九旬禁足覓鏡裏之華三月安居撈水中之月公此二途不假功勲一句作麼生道師云銅頭錙領如龍虎天上人間得自繇進云恁麼則化外有天藏日月就中無地著鍼錐師云還假功勲也無進云此夜一輪滿清光何處無師云引不著僧喝師便打問盡大地是箇解脫道場今日開爐結制把住天下英靈和尚是何心行師打云也

接連

這卷有四首金句

要你向者裏薦取進云與麼則四威儀中皆是道何
須特意覓真宗師云只恐不是玉是玉也大奇僧禮
拜師復打乃云世界濶一丈火爐濶一丈火燄轉汰
輪十方悉通暢此界與他方廓徹無遮障諸佛立地
聽演出一大藏縉紛天雨華香飄梵天上艸木與叢
林順方咸低向萬象及森羅晝夜同宣唱刹說熾然
說妙義廣無量單明向上機阿誰不仰望更存如來
禪蘆華雪月滿平川夜半正明曉不露好詣父母未
生尋祖師意千波競起文殊智一夕晴空徧吉牀汰
汰頭頭無不是入塵垂手自他俱利逆順門高信腳

登不論山林與城市乃至寒山燒火拾得埽地冷處
著把涼湯點沸入水見長人不負靈山記洗滌如來
淨邊垢始契箇中眞實義至於堂裏坐禪迴絕諸緣
打成一片無人會推倒須彌浸王蟾堂外禪坐精勤
功課邇水搬柴推簷拂磨菩薩萬行妙莊嚴戶底門
頭俱勘破俱勘破無別箇抹過三祇大劫修翻笑如
來成話墮觀不破莫放過豎起鋟脊梁歸堂且打坐
請上堂問齋家祈福無窮禪門淵深海濶兩重公案
請師分開師云知恩者少負恩者多進云恁麼則汰
輪常轉佛日增燭公也師云且道承誰恩力進云路

換述

卷之三

逢劍客須呈劍不是詩人莫獻詩師云學語之流一
 札千行乃云百千汰門同歸方寸道無南北根有利
 鈍子韶月下聞蛙當處豁然徹困不用古錐饒舌何
 必棒頭三頓河沙妙德總在心源萬機頓赴流出真
 言龐公參馬祖西江一口吞家私盡把沈湘水自謂
 知恩解報恩潛倪二居士渠今又不然家私親邇出
 齋僧供聖賢佛本聖中聖弘願廣無邊汰名大寶聚
 僧乃無漏田欲成無上道先修般若緣卓拄杖云以
 此報親一生成大孝以此報國萬里靜風煙要明劫
 外須契言毒頓令凡胎俗骨便成大覺金僊禪禪曹

洞以之則正偏兼帶臨濟用之則三要三玄雖則本
 無縫罅何妨七穴八穿有時火燄裏藏身公來無迹
 有時劙刃上毛馬往返周旋大海波心紅輪涌出妙
 峰孤頂白浪滔天或時一毫端上見出尋藏世界或
 時一毛孔裏收攝三千大千未能一一透徹都緣己
 見枯偏須努力痛加鞭泥牛泄斷龜毛索兔角欄中
 任意眠則且置祇如供佛齋僧畢竟功歸何所卓拄
 杖云淨智妙嚴功德聚當人本體自周圓
 雪子化士回請上堂問向上一路佛祖窺覲無門祇
 如集衆陞堂又且如何話會師云塹色更無山隔斷

天光直與水相通進云還有佛汰示人也無師云腳
跟下與你一頓僧禮拜云今日人天有賴普衆霑恩
師云大有臨河歎眾人乃云目毒無汰萬里不挂片
雲意在目毒四顧清風滿座不是目毒汰威音那畔
淨羸羸通上孤危非耳目之所到空劫已毒赤灑灑
微下險絕實際理地一了了一切了今事門頭一真一
切真隨處作主荆棘林中下腳遇緣卽宗紅塵堆裏
橫身轉娑婆爲極樂變瓦礫作佳珍二時喫飯不曾
敲破一粒米終朝無說時時常轉汰輪無影對頭高
縣日月沒絃琴韻曲奏陽春天地山河揚眉瞬目對

林水鳥鼓舌搖脣句句超佛越祖言言覲面指陳直
得諸天歡喜外魔膽喪雲行雨施起鳳騰麟乾闥婆
王低回奏樂阿修羅衆息惡停瞋頭頭顯示空王令
艸偃風行孰不遵會須是一生取辦更莫教萬劫因
循祇如爲衆竭力底人畢竟如何受用豎拂子云出
羣須是英靈子將此深心奉刹塵

砲參舉僊宗守班禪師因僧問十二時中常在底人
還消得人天供養也無班曰消不得曰因甚消不得
班曰爲爾常在曰祇如常不在底人還消得也無班
曰驢季師云諸仁者常在底也消不得常不在底也

60 1 2 3 4 5 6 7 8 9

10

11

12

13

14

15

16

17

18

19

20

消不得畢竟如何卽得卓拄杖云者裏玉石不分喫水也須防噎又卓拄杖云者裏繙素分明萬兩黃金也合消何也透過金剛圈嚼碎鍊酸餡一飽忘百饑始信不相瞞

至節小參千谿水冷萬壑林淵潭冰徹底寒非一宵正令潛施地中雷復化機密邇陽長陰消物理有變革時節不相饒直得冰河燄起石筍抽條鍊蛇橫古路彩鳳舞丹霄曠大劫來彈指頃洞然元不異今朝諸仁者難除理障易遣情塵大地茫茫愁殺人眼裏無筋一世貧生坎牢關打不破快須勇猛著精神拶

到水窮山盡處心尋開發少林春記得僧問疎山仁禪師如何是冬來意京師出大黃石屋頌云有問冬來意京師出大黃地爐深夜火茶熟透餅香密老和尚云有問冬來意京師出大黃若人吞下肚屙淨一條腸師云一人理上偏枯一人事上不足山僧又不然有問冬來意京師出大黃若人玄會得三界大醫王且道與古人相去多少具眼者試定當看

上堂孟冬薄寒仲冬嚴寒朔風如箭射透重關少室山毒冰枯雪老轉谿路上月白風高壁外橫身霜凜凜危然孤坐冷颼颼一陽來復君子道長羣陰剝盡

小人道消翻憶大乘氣象求師立雪齊腰堪嗟末法去聖時遙繫駒伏鼠外宋中搖人心澆薄古道宋寥安得銅頭錶領直透此宗大似桶榼一爆連底俱空內空外空內外空一通一切通打瓦鼓應黃鐘風從虎兮雲從龍直饒與麼猶在途中祇如不涉陰陽寒暑端坐家堂一句又且如何話會舉拂子復擲下云動靜不會離本際德雲常在妙高峰

廸參舉大珠和尚道太虛不生靈智真心不緣善惡嗜欲淡者機淺是非交爭者未通觸境生心者少定宋冥忘機者慧沈傲物高心者我壯執空執有者皆愚尋文取證者益滯苦行求佛者只述離心求佛者外道執心是佛者爲魔師云古人與麼提持於如來禪唱歌門中足可觀光祖師禪未夢見在試問見荷兄弟且道祖師禪有甚長處◎遇佛若無如是眼宗風那得到如今

了知信玄二禪人請上堂真宗離相迴絕智愚大道無形原非頓漸不減不增無餘無欠信徹靈玄豈容瑕玷圓明了知不因心念雖則不壞假名究竟本無欣厭嘗露見荷靈鋒寶劍神威凜凜寒鎗燄燄冷光畱塞太虛空天人間渠獨占擬議纔生墮阤落塹

撰述

卷之三

自是勞生日用懸休言般若無靈驗有靈驗絕支離
 卓拄杖云箇中消息子能有幾人知大地撮來粟粒
 米有時粒米作須彌長河攬得成酥酪杓柄靈通妙
 且奇益無益爲無爲得力須忘飽休糧更不饑所以
 道得之於心伊蘭轉作旃檀對失之於旨甘露園中
 長蒺藜况復季來衰落甚道人多與道相違應須痛
 念生平事著意披襟好護持曠大劫收彈指頃靈山
 原不隔毫釐正當今日因齋慶贊且置當頭坐斷千
 眼頓開透脫一路又且如何舉唱展拂子云縱橫妙
 展無私化恰恰行從鳥道歸

弘遠禪人薦師請上堂問答日漸源覓先師靈骨石
 霜道白浪滔天今日某甲覓先師靈骨未審和尚道
 箇甚麼師云你向甚處著力僧便喝師云者一喝未
 有主在進云漸源道正好著力某甲今日不用著力
 靈骨分明且道與古人還有優劣也無師云牛頭向
 南馬頭向北進云祇如卽今送入普同四衆瞻依清
 風布地又作麼生師云你若會得煩惱海中爲雨露
 無明山上起雲雷進云與麼則水歸大海波濤靜雲
 到蒼梧氣象閒師云未必心頭似口頭僧禮拜云謝
 和尙會話師便打乃云水銀墮地一圓一切圓古鏡

60 1 2 3 4 5 6 7 8 9

10 1 2 3 4 5 6 7 8 9

當臺一照一切照當處出生明月印千江隨處滅盡
片雲收碧落峭巍巍活卓卓刹刹塵塵無住著非心
非佛絕羅籠是聖是凡難捉摸陰陽沒處推遷生死
何能繫縛所以歷劫不昧死古常存無意道人之意
無門解脫之門更全提向上展拂子云爲君直指
明言夷平嶽海變化鵬鯤萬象之中身獨露廓周沙
界最爲尊諸仁者且道戒微充公園逝八九季來畢
竟向何處安身立命以拂子打○相云園湛一輪無
空鍼孤光千古照乾坤

廻參展拂子云大道只在目奔謗言千聖不傳旣善

騎聲益色何妨說妙譚玄要且目奔難睹會得超佛
越祖矢上不用加鐵堆上何須著土欲識大道真體
潔白寧煩水洗時中寸絲不挂自然透頂透底不離
聲色言語直截當陽善舉縱饒舉得分明山僧未敢
相許何也卓拄杖云者裏不會萬別千差又卓一下
云者裏會得事同一家屋後老梅開冷眼風奔鋟對
放新萼天共白雲來寶益水和明月到天涯更若不
會歸堂喫茶

靈瑞禪人請上堂兼誨衆檀齋問四衆雲臻請登座
當陽坐斷古毘盧七縱八橫卽不問還有向上事也

撰述

長安寺印重刊卷二

無師云萬派皆歸海千山必仰宗進云劔輪鋒上跑
 馬烈燄炎中打毬且道因甚麼有如是奇特師云未
 是訝人機進云不許夜行剛把火直須當道與人看
 師云且莫詐明頭問西來大意卽不問家風端的事
 如何師打云還會麼進云眼空四海乾坤廓一天佳
 氣出平常師云猶有金屑在進云盡大地是箇解脫
 門因甚把手泄他不入師云怪山僧不得進云人人
 鼻孔向下爲甚麼說箇西來底道理師云爲你漆桶
 不快問閨閣中卽不問向上宗乘事若何師云刹竿
 頭上仰蓮心進云恁麼則臨機殺活吹毛利棒下無
 生不讓人師云如何是吹毛利僧便喝師打云菜刀
 子沙彌尼問不問有言不問無言和尙作麼生道師
 便打進云除了者一棒和尙還有麼師云禮拜著尼
 禮拜師云坐斲有無不問你當機一句若爲生尼無
 語師復打乃云橫河衆居士辦供到靈峰菩提心一
 發般若智無窮擊動虛空鼓撞起月樓鐘請我轉法
 輪單提格外宗金剛圈栗棘蓬吾道一貫破砂盆無
 底益公案兩重萬戶千門悉皆透過四方八面無不
 包容行布不礙圓融有星皆拱北圓融不礙行布無
 水不朝東果爾心寧綻發自然業影皆空諸祥如霧

撰述

卷之三

九

集衆福似雲從轉谿洞簾卷少林風起鼓禪河謬說
 無船渡鍊壁從來有路通撥轉乾坤歸至化頂門遊
 出一輪紅正與麼時推功歸本卽不問自他俱利一
 句作麼生道靈瑞優曇華正發大千香微徧穹窿
 梁湖玄印清三靜主請上堂大智洞然元無向背何
 妨南北東西靈機廓爾豈有階梯不礙卷舒收放一
 切處作奇特事徧汰界見隨類身大開無盡藏廣闊
 解脫門啓清淨莊嚴發難思願海何如玉種藍田不
 異粵鋪錦上直得光輝絕後任迴騰騰金雞解銜粒
 粟供養羅漢聖僧旣已汰輪常轉自然大用見菴洞

山五位濟北三玄天龍伸瘦指菴主豎空拳梁湖蘭
 若敲金鐙五磊峰壽駕鍊船陝府鍊牛流出並嘉州
 大象喫金鞭透過單傳直指說甚大覺金鞭展拂子
 云還委悉麼高縣佛日燭寰寓大闡宗風不盡平
 請上堂大道體寬無易無難從無住本流出萬端天
 際日上月下檻菴山深水寒雪覆萬季松徑雲遮一
 帶晴巒百千樓閣空中見十石油麻封上攤一口西
 江都吸盡卷歸東海作波瀾芥子納須彌一有多種
 須彌納芥子一無兩般分明垂示處仔細好生觀答
 日裴公見石霜隻公象簡當時丹霞參馬祖弃卻儒

撰述

真身禪師語錄卷一

冠利人卽是自利選佛勝如選官然而常宗炎中休尋寶所含元殿裏莫問長安智暗祇因情識重眼明多是髑髏乾卓拄杖云更有一則見成公案今鞠四衆雲臻請我當陽批判供佛齋僧底別旣炊香開單展益者光明燦爛畢竟車不橫推自是理無曲斷諸仁若也會得一生大事成辦受用還他過量人荷擔須是英靈漢不可毀不可贊福等虛空無畔岸百億恆河沙有窮此功此德難推算驀召大衆展拂子云旃檀葉落古風清無影對頭奪爛煩三身四智體中圓八解六通都一貫擲拂子下座

成道上堂大威德世尊弘誓深如海爲憫苦娑婆勞生如傀儡絰斷苦無窮不覺亦不悔故建精進幢嘗披忍辱鎧勇猛三大劫利生心不改示見舍皇宮雪山曾六載苦行受風霜麻麥充饑餒忽睹明星正眼開豁然露出本光彩悲體猶若戒雷震慈意妙如大雲燄無能盡說佛功德須信大功元不宰流傳歲歲今鞠謂是佛成道日未爲不肖兒孫大家憶念往咎更行念本瑜傾出燕金趙璧嚴設香燭燭酥醪醍醐之食供養十方賢聖調御天人師佛雖然禮貌麤疎畢竟臭味相入大衆彼旣丈夫我亦爾毋得自

輕而退屈如水合水空合空本與如來同一質將此
淡心奉刹塵盡未來際莫休息諸仁者正與麼時盡
塵沙界處處供養世尊且作麼生說箇普同應供底
意旨還委悉麼良久云請各嚴肅威儀恭詣大殿普
同拈香

旦以化士回請上堂道遠乎哉燭事而真雪裏梅萼
春信息池中月色夜精神聖遠乎哉體之則神心汰
雙忘猶隔妄色空不二尙餘塵室內許誰參化女眼
中休公覓瞳人卷舒立方外乾坤塵中能作主縱橫
挂城中日月化外自來賓雲布慈門履真而不礙俗

波騰行海涉有而不乖真鍊作脊梁骨金鑄堅實心
爲衆如爲己因淡果亦淡杳水攬將成滋味山河轉
變作黃金展拂子云更有一著超宗越格千聖莫窺
萬靈罔測正眼圓明威光烜赫廣長舌覆大千界圓
音響徹塵沙國所以道默時說說時默大施門開無
壅塞三賢十聖類難齊霧利衲僧會不得正與麼時
歸根得旨卽不問該羅萬有妙應羣機一句作麼生
道卓拄杖云鉗鎌佛祖定綱宗拯拔勞生超軌則
除夜小參恰值季窮歲盡時大家活計猛提撕未能
俊鶻翻身疾難免靈龜脫殼遲迷公頭頭成窟礙悟

撰述

送粉香齋錄卷三

來息息絕支離機圓見徹無倚依三界橫身愈出奇
復舉北禪賢云季窮歲盡無可與諸人分歲老僧烹
一頭露地白牛炊黍米飯煮榦菜羹燒榦榦火大家
喫了唱卹田樂何故免見倚他門戶傍他牆剛被時
人喚作郎師云山僧抱愚守拙雖與見壽兄弟聚首
空山不烹露地牛不唱卹田樂鋟釘飯一任飽食木
札羹憑君細嚼隨家豐儉無適無莫雖然一味平常
免得安排造作

元旦上堂拈香此香一炷價值大千夏今夏古不變
不遷舉處汰輪常轉爇時佛日高懸萬國咸歸至化

裏萬邦齊賀太平季斂衣敷坐云元正啓祚豁開門
戶身裏出門全機顯露一著潤一著一步高一步萬
物咸新是處皆春暉開碓觜律轉洪鈞充滿乾坤大
地普偏刹海微塵應時納祐種種成就青山解透瀑
布不澑寶掌千歲尙孩提彭祖八百未出幼慶無不
宜應節合時千巒萬別一句全提卽日恭惟頭晉大
衆起居多福所樂在忘緣了道能知足珍重衆高流
共唱清平曲清平且置三陽開泰一句作麼生道卓
拄杖云昨夜春回空劫外覺暉香綻不萌支
燈節廻參舉天童傑禪師云今朝上元節是處挂燈

撰述

通鑑補註卷三

球一燈然百千燈燈燈相續重重無盡如寶絲網三世諸佛向光影裏出現歷代祖師向光影裏說法度人四聖六凡向光影裏頭出頭沒山河大地向光影裏成立諸仁若信得及去覓其光影來處了不可得便乃坐斷報化佛頭師云密菴老祖善說法要大似久經行陣慣戰作家箭箭不空刀刀有力然則從長簡點將來利卽不無害亦不少何也引得後代兒孫遞相鈍置箇箇向光影裏著到畢竟如何得當良久云人人盡欲出常流折合還歸炭裏坐

罷爐上堂兼諺兩序問十方同聚會箇箇學無爲此

是選佛場心空及第歸和尚今日解制有多少人心空及第師云縱目所觀進云恁麼則無漏國中畱不住出頭天外任人看師云結解同時句又作麼生道僧呈坐具師打云亂統作麼僧喝師連棒打出乃云春光已半月春雪滿林壑百艸不萌芽蟄蟲夢未覺謬言大地白湯湯紅日一舒光爍爍獨有庭蓀露柱季季祇麼平常也不誼譁亦不宋冥人道彼飽叢林孰知渠也難名邈更衣燈籠體透玲瓏心空眼活安閒諸仁莫若一時放卻已透關者自然七縱八橫

60 1 2 3 4 5 6 7 8 9

10 1 2 3 4 5 6 7 8 9

撰述

唐宋詞簡譜錄卷三

西

未透關者難免無繩自縛噫歎嘻能展拓五濁海底
輶屎豬坳折祥麌一隻角報君知委不委眉毛鱗裏
清風起直饒大千刹海都遊徧擲下拄杖云究竟將
來不如者裏

百丈忌拈香迅雷咅碎虛空骨三日耳聾善舉揚佛
祖典刑爲第一天人師表世無雙萼中優益人中傑
浹中骨髓僧中王興禮樂定宗綱不作不食大智惟
昌剎海盡皆蒙化育支那誰不被恩光莫謂真歸無
處覓分明覲面不會藏碎身粉骨難酬報竭盡微誠
一炷香

涅槃上堂舉世尊臨入涅槃以手摩胸普告人天大
衆曰爾等諦觀吾紫磨金色之身瞻仰取足莫令後
悔若言吾滅度非吾弟子若言吾不滅度亦非吾弟
子時百萬億衆悉皆契悟師云山僧今日與麼舉諸
仁與麼聽還得契悟也無果然契悟便與釋迦老子
把手共行同一受用其或未然莫道不疑好不免更
爲頌出黃面瞿曇自倒自起四十九季巧說道理臨
行猶自賣弄口柴摩胸示宗歸何處覲露堂堂人不
委人若委盡善美桃萼歲歲笑春風鷗鴟唳在深萼
裏試問見毒兄弟還委悉麼如不委且到大殿拈香

撰述

通鑑釋詞卷三

三

上供

大悲生日陞座僧問大悲千手眼三十二應身稱名齊赴感無物不沾均敢問是神通妙用爲復汝爾如外師云坐斷兩頭當陽不住進云將錢買餽餅放下手來卻是餽頭此意如何師云任伊造作千般到底無過是麪進云今日慈雲普覆汝兩均施園通大士在甚麼處師便打僧禮拜云棒頭有眼明如日要識真金火裏看師云且信你一半乃云淨汝界身言端語真風清月白萬古長春本無出沒不存窠堦徧界全彰通身縵密大悲願力不休不息時時示人時人

不識示見受生激濁揚清高低普應妙用縱橫泥捏金剛水裏透筆描菩薩火中行是則固是若約衲僧門下天地縣殊何也不見道聞聲悟道見色明心觀世音菩薩將錢買餽餅放下手來卻是餽頭能殺能活能錐能鉤有權有實有放有收以楔出楔看簍打簍一趯趯翻四大海一拳拳倒毒蜃樓微雨灑鴛千點淚澹煙籠竹一堆愁八角磨盤空裏轉玲瓏殿閣語風颯千巒萬別悉了元繇且置祇如大悲菩薩千手眼且道那箇是正眼擲下拂子云通身照盡無遺影千眼都來一隻收

撰述

通鑑補註錄卷三

上堂今鞠又是清明節寒食禁烟思古哲鳥唳緣封語含愁人哭冤郊淚成血生生歟歟沒了期祇爲此關打不徹打得徹空諸結智竭情枯無惱熱萬季一念絕思惟一念萬季無空缺無空缺督不督直饒玄會得眼中猶著屑不著屑真奇絕塵塵刹刹熾然說萬紫千紅爛爛開粵底靈禽更饒舌且道說箇甚麼以拂子擊香几云任從滄海變終不爲君通

結夏上堂園覺伽藍寬若十虛無際大光明藏皎如千日齊爛微塵佛刹如來總此安居海會雲來菩薩悉同休夏延一念作僧祇促僧祇爲一念無有絲毫

增相無有絲毫減相無有絲毫異相無有絲毫同相一道平等浩然大均諸仁直下知歸一生參學事畢儻若情存取舍尙昧見聞勞他古聖垂慈向無方便中曲垂方便九旬禁足三月護生念念攀緣刮龜毛於銕牛背上心心永宋截免角於石女腰邊莫作奇特商量亦非玄妙解會以拂子劃云若向者裏挨得一縫開拶得一縫入則無邊刹海不隔毫端十世古今不離當念刹那了卻彈指圓成便知恆沙如來據虎頭山僧隨例收虎尾十方刹海諸菩薩大家踊躍生歡喜祇如不落階差修證一句又且如何話會橫

撰述

達變禪師語錄卷第四

七

按拄杖云任運常如癡兀人他家自有通人愛

會

今吾雖當念慚無以堪。但聞汝大聖說。我心已收來矣。
 一對開幾時。一對入頭無事時。我不識。汝廿二年。
 諸商賈。來去。亦心。無會以。勸。等。禮。云。若。向。不。要。與。別。
 俗。夷。十。省。上。下。少。小。非。未。對。我。萬。休。亦。問。經。莫。持。酒。
 酒。由。酒。大。與。大。酒。三。日。酒。主。念。水。鑿。水。階。讓。字。
 葉。吉。青。守。原。合。門。相。見。問。始。古。聖。主。夢。向。瓶。衣。傳。
 一。色。平。爭。者。大。大。社。南。不。直。可。吸。第一。主。參。李。主。事。
 達。變。禪。師。語。錄。卷。四。第。三。紙。學。吳。琳。手。稿。之。同。付。

達變禪師語錄卷第四

侍者海濱記錄

頌古

趙州示衆云兄弟若從南方來者卽與下載若從北方來者卽與裝載所以道近上人問道卽失道近下人問道卽得道兄弟正人說邪汰邪汰亦隨正邪人說正汰正汰亦隨邪諸方難見易識我者裏易見難識

老禪將韜略長瓜分南北細品雌黃下載與裝載利鈍展鋒達三世諸佛不識詎容取次承當蟾影

授述

卷之四

十一

千澗高低月春轉寰中遠近香

東坡居士參東林總禪師總與論無情話有省遂獻
投機偈云谿聲便是廣長舌山色無非清淨身夜來
八萬四千偈他日如何舉似人後圓智證悟法師參
護國此菴元禪師法師舉東坡宿東林偈且曰也不
易到此田地菴曰尙未見路徑何言到耶曰祇如他
道谿聲便是廣長舌山色豈非清淨身若不到此田
地如何有者箇消息菴曰是門外漢耳曰和尙不恪
可爲說破菴曰卻從者裏猛著精彩覩捕看若覩捕
得他破則亦知本命元辰落著處師通夕不寐及曉

鐘鳴公其祕蓄以毒偈別曰東坡居士大饒舌聲色
關中欲透身谿若是聲山是色無山無水好愁人

劫外今時無彼此從來換步不移身咄哉彼此何
偏頗一向瀟湘一向秦爭似兩頭坐斷何妨撥轉
乾坤嶺山分破無多子獨拔無門解脫門

古隄和尚尋常見僧來每云公汝無佛性僧無對或
有對者莫契其旨一日仰山到參師云汝無佛性山
又手近毒應諾師笑曰子甚處得此三昧仰曰我從
鴻山得復問和尚從誰得師曰我從章敬得

幾箇師僧無佛性妙藥難救膏肓病又手近毒能

識宗自然上恭而下敬彼此三昧有師承主賓互換全正令一對鴛鴦戲水滑啾啾雀難同汎
日子和尚因亞谿來參師作起勢谿曰者老山鬼猶見某甲在師曰罪過罪過適來失祇對谿欲進語師叱之谿曰大陣當尋不妨難禦師曰是是谿曰不是不是趙州云可憐兩箇漢不會轉身句

寒山語拾得笑有參差沒孔竅無腔韻出高低調轉身不會可憐生明明一句三玄要

香嚴上堂若論此事如人上對口銜對枝腳不踢枝手不攀枝對下忽有人問如何是祖師西來意不對他又違他所問若對他又喪身失命當恁麼時作麼生卽得時有虎頭招上座出衆云對上卽不問未上對時請和尚道師乃呵呵大笑

未舉已尋先薦得從教節外又生枝敵人師子全生殺忍俊韓獫沒了期未上對也大奇呵呵一笑少人知

長生皎然禪師常訪一菴主款話菴主曰近有一僧問某甲西來意遂舉拂子示之不知還得也無師曰爭敢道得與不得師卻問有人問菴主此事有人係任如虎頭帶角有人嫌棄則不直半文錢此事爲什

60 1 2 3 4 5 6 7 8 9

10 1 2 3 4 5 6 7 8 9

撰述

通鑑卷四

麼毀譽不同請試揀出看曰適來出自偶然爭揀得出師曰若恁麼此後不得爲人

胡來胡現是賊識賊舌頭無骨利如鋒爛泥有刺人難測人難測落霞與孤鶩齊飛秋水共長天一色

龍峻和尚因僧問如何是不知善惡底人師曰千聖近不得曰此人還知有向上事也無師曰不知曰爲什麼不知師曰不識善惡說什麼向上事曰如何師曰不見道狂俗

不識善惡灑灑落落向上亦不知千聖難奏泊毫

釐繫念不平常未免畫地爲牢無繩而自縛睡龍和尚因僧問如何是觸目菩提師以杖趁之僧乃走師曰住住向後莫鎗舉似人

倉在間處更不周遮重重相爲舉向作家落花有意隨流水流水無心戀落花

地藏和尚問僧什麼處來曰秦州來師曰將得什麼物來曰不將得物來師曰汝爲什麼對衆謗語其僧無對

來問若成風應機非善巧三搭不回頭笑破衲僧口饑逢王餧不能食百城煙水何時了

撰述

僧問雲居膺禪師麞竿挂角時如何師曰六六三十六復曰會麼曰不會師曰不見道無蹤迹

麞竿挂角迴絕羅籠通身無影像徧界絕行蹤雖無牙爪甚威寧獵犬難尋誰敢觸剛觸著轉轆轤

六六依然三十六

鼓山智嶽禪師因僧問虛空還解作用也無師拈起拄杖云箇師僧好打

鍼芥相投逤斤成風奔流度刃不見痕蹤龍袖拂開山嶽震虛空迸出電光紅

大顛初參石頭頭問那箇是汝心師曰見言語者是

頭便喝出經旬日師卻問旅者既不是除此外何者是心頭曰除卻揚眉瞬目將心來師曰無心可將來頭曰原來有心何言無心無心盡同謗師於言下大悟

言語相呈渾不是揚眉瞬目亦須燭水盡山窮難進步蓦然一指路通天路通天絕正徧虛空背上駕鍤船

香嚴上堂僧問不求諸聖不重己靈時如何嚴曰萬機休罷千聖不攜疎山禪師在衆作歐聲曰是何言歟嚴聞便下座曰適對此僧必有不是致招師叔如

是未審過在甚麼處師曰萬機休罷猶有物在千聖不攜亦從人得如何無過嚴曰卻請師叔道師曰若教某甲道須還師資禮始得嚴乃禮拜躡旅問師曰何不道有諾不得全嚴曰有又有箇甚麼諾又諾於阿誰師曰有卽有他千聖諾卽諾於己靈嚴曰師叔恁麼道向太倒廝三十季在師後問鏡清有諾不得全子作麼生會清曰全歸有諾師曰不得全又作麼生清曰箇中無有路師曰始愜病僧意

己靈諸聖海中漚休罷不攜臘月扇拳踢相應機副機胡來漢現爺中爺龍象蹴踏跛驢難見有諾

不得全清風生八面快須著眼看僊人莫看僊人手中扇

洞山因僧問三身之中阿邢身不墮衆數山曰吾嘗於此切後有問曹山先師道吾嘗於此切意作麼生曹山云要頭卽斫將去又問雪峰雪峰以拄杖趁云我亦會到洞山來

吾嘗此切不墮衆數夜半正明天曉不露要頭斫太隱寒芒滿口含霜何用訴打趁會到洞山來電光影裏分緇素阿呵呵悟不悟三箇老古錐同行不同步

曹山因僧問常在生歟海中沈沒者是什麼人師曰第二月曰還求出離也無師曰也求出離只是無路曰出離什麼人接得伊師曰擔鋤枷者

生歟海第二月逃真認影何時歇不用別處求出離當下翻身自超越頓超越得自繇更嫌何處不風流

曹山因僧問魯祖面壁意旨如何山掩耳

動絃別曲葉落知秋若非作者孰辨端絲有意氣時添意氣不風流處轉風流

雪峰因僧問古人道覲面相呈時如何師曰是曰如

何是覲面相呈師曰蒼天蒼天

覲面相呈是也無端含元殿裏誰覓長安可憐不遇知音者空把瑤琴對面彈

僧問乾峰十方婆伽梵一路涅槃門未審路頭在甚麼處峰以拄杖劃云在者裏雲門拈起扇子云扇子跨跳上三十三天築著帝釋鼻孔東海鯨魚打一棒雨似盆傾會麼

乾峰拄杖雲門扇掣電火中看轉變堂堂對面眼麻昧涅槃有路無人薦有人薦鯨魚跨跳雨盆傾流出桃萼千萬片

換起

僧問報慈藏嶼禪師情生智隔想變體殊祇如情未
生時如何師云隔云情未生時隔箇甚麼師曰者箇
梢郎子未遇人枉

情未生時直言隔悠悠寒角發孤城一種是聲無
限意有堪聽有不堪聽

興化因後唐莊宗幸河北回魏府行宮詔師問曰朕
取中原獲得一寶未曾有人醻價師曰請陛下寶看
帝以兩手舒幞頭腳師曰君王之寶誰敢醻價玄覺
微云且道興化有莊宗不有莊宗若有莊宗興化眼
在甚麼處若不有莊宗過在甚麼處

兩手擎來問汰王中原一寶不囊藏知音自是能
明鑑直得炎爛滿大唐

僧問雲門如何是清淨汰身門云等藥欄曰便恁麼
答時如何門云金毛師子

清淨汰身等藥欄一句全提絕潦倒便與麼休草
草金毛師子旋風埽三千里外見諸譙幾箇衲僧
有眼腦

僧問曹山如何是師子山曰衆獸近不得如何是師
子兒山曰能吞父母者曰既是衆獸近不得因甚卻
被兒吞山曰子若哮呴祖父母俱喪曰只如祖父母

還盡也無山曰亦盡曰盡後如何山曰全身歸父曰
前來爲甚麼道祖父亦盡山曰不見道王子能成一
國之事枯木上更撒些子粵
衆獸近不得因甚被兒吞爲伊能哮咗纖毫影不
存全身旣歸父大用體全真苦生王殿巍然貴枯
木粵開偏界春

智門欽禪師因僧問兩鏡相對爲什麼中間無相師
曰自己亦須隱曰鏡破臺亡時如何師豎起拳

兩鏡相對元無相百億須彌不見蹤鏡破臺亡全
體現鋟船高駕太虛空

廣德周禪師因僧問承教有言阿逸多不斷煩惱不
修禪定佛記此人成佛無疑此理如何師曰鹽又盡
炭又無曰鹽盡炭無時如何師曰愁人莫向愁人說
說向愁人愁殺人

不求真不斷妄了無欣歇真過量蕩盡家私徹骨
窮風流瀟灑捨懷曠相逢果有知音知面面好風
來席上

黃龍機禪師因僧問不問祖佛邊事如何是平常之
事師曰我住山得十五季也

來問平常事山居十五季鎮日閒閒地常時坦坦

然鳥唬修竹裏爭笑碧崕旅盡情俱吐露莫作俗流傳

玄泉第二世和尚因僧問辭窮理盡時如何師曰不入理豈同盡

萬里無雲天喫棒須知別有好家風靈文海藏詮不及今答貫穿絕始終一片風光描不就至尊至

貴許誰同

龍穴山和尚因僧問大善知識爲甚麼卻與土地燒錢師云彼上人者難爲醻對

土地燒錢冷處著把問有來繇會無虛假彼難醻

對曲高和寡言中有響瀟瀟灑灑瀟瀟絕碧眼胡僧難辨別

韶國師有時謂衆曰大凡言句應須絕滲漏始得時有僧問如何是絕滲漏底句師曰汝口似鼻孔

口如鼻孔眼如睂石女能唖白雪詩昨夜虛空開口笑木人生得石羊兒

韶國師因僧問艣棹俱停如何得到彼岸師曰慶汝平生

彼岸何曾離當處若諳停棹便通玄衲僧薦得風前旨直截分明妙莫傳

撰述

卷之四

報慈文遂禪師問僧從什麼處來曰撫州曹山來師曰幾程到此曰七程師曰行卻許多山林谿澗何者是汝自己曰總是師曰衆生顛倒認物爲已曰如何是學人自己師曰總是

大地山河俱是寶不識之人入泥艸依稀鬚髮眼未開拈卻鼻孔無處討殺人劍活人刀起死回生手段高

雲居清錫禪師因僧問古人有言釋迦與我同參未審參何人師曰唯有同參方得知曰未審此人如何親近師曰恁麼則不解參也

與佛同參誰辨的元無彼此絕疎親琉璃古殿浸明月端堪何曾有二人擬親近隔關津鎗過威音劫外春

永明壽禪師因僧問如何是永明妙旨師曰更添香著曰謨師指示師曰且喜沒交涉仍有偈曰欲識永明旨門旅一湖水日照光明生風吹波浪起欲識祖師玄妙旨添香撥火誰能委一湖吞盡大千界萬象光含無表裏述頭認影不相當對面白雲千萬里

南泉山下有一菴主人謂曰近日南泉和尚出世何

不公禮見主曰非但南泉出世直饒千佛出興我亦
不公師聞乃令趙州太勘州太便設拜主不顧州從
東過西又從西過東主亦不顧州曰艸賊大敗遂拽
下簾子便歸舉似師曰我從來疑著者漢次日與沙
彌攜茶一餅盞三隻到菴擲向地上乃曰昨日底昨
日底主曰昨日底是甚麼師於沙彌背上拍一下曰
賺我來賺我來拂袖便回

好箇擔板漢橫身一條鎌智勇李將軍兩度拗不
折出師重決龍蛇陣當鋒連下頂門楔馬陵道下
歟龐涓千古英雄常淚血

百丈惟政禪師有老宿見日影透牕問師爲復牕就
日日就牕師曰長老房中有客歸公好

問來隱密舍不囊藏邇籌帷幄捉賊擒王驀喚一
聲歸公好和雲帶露溼秋光

鄆村自滿禪師上堂古今不異汰爾如然更復何也
雖然如此者箇事大有人因搭在僧間不落古今請
師直道師曰情知爾固搭僧欲進語師曰將謂老僧
落伊古今曰如何卽是師曰魚騰碧漢階級難飛曰
如何免得此過師曰若是龍形誰論高下僧禮拜師
曰苦哉屈哉誰人似我

撰述

迴絕威音與目旛古今不落本天然擬求直道翻成曲蚤隔程途萬八千欲免過轉堪憐天上人間誰似我驅雷掣電鼓風煙

南源道明禪師上堂快馬一鞭至人一言有事何不出頭來無事各自珍重僧問一言作麼生師乃吐舌云待我有廣長舌相卽向汝道

一言吐出最親切舌相圓音徹大千不是儒陀難湊泊擡眸鷄子過西天

西堂智藏禪師普請次曰因果歷然爭奈何爭奈何時有僧出以手托地師曰作甚麼曰相救相救師曰大衆者箇師僧猶較些子僧拂袖便走師曰獅子身中蟲自食獅子肉

無風浪起有事有理隨機應變搖頭擺尾電影纔收腦後星流一撞一捌善錐鉤收虎尾今踞虎頭華林善覺禪師因觀察使裴休相訪問曰還有侍者否師曰有一兩箇祇是不可見客裴曰在甚麼處師乃喚大空小空時二虎自菴後而出裴睹之驚悸師語二虎曰有客且去二虎哮咤而去裴問曰師作何行業感得如斯師乃良久曰會麼曰不會師曰山僧常念觀音

撰述

本色住山人無心自合道天人龍虎悉皈依水到渠成非作造問何行業感如斯山僧常念觀音號古寺和尙丹霞來參經宿明日粥熟行者祇盛一盃與師又盛一盃自喫殊不顧丹霞亦自盛粥喫者曰五更侵蚤起更有夜行人霞問師何不教訓行者得恁麼無禮師曰淨地上不可更點污人家男女霞曰幾不問過者老漢

家富小兒嬌強兵無弱將泥牛咼月浪千尋石筍抽條長萬丈

黑澗和尙因僧問如何是密室師曰截耳臥街如何是密室中人師乃換手搥胸

密室虛通絕正偏毫無造作始天然風流不薦室中主要將軍贈玉鞭能善委直如絃買得風流不用錢

鹽官安國師有汰空禪師到請問經中諸義師一一答了卻曰自禪師來貧道總未作得主人曰便請和尙作主人師曰今日夜也且歸本位安置明日卻來汰空下空至明旦師令沙彌屈汰空禪師汰空至師顧沙彌曰咄者沙彌不了事教屈汰空禪師屈得箇守堂家人汰空無語

60 1 2 3 4 5 6 7 8 9

10

80

1 2 3 4 5 6 7 8 9

撰述

醻醻慇懃全道義和光應物探來賓洪鈞律轉圜
千封客情猶自不知春旁敲正打枣卻全身一聲

黃鳥青山外占斷風光作主人

乳源和尙仰山作沙彌時念經聲高師咄曰者沙彌
念經恰似哭曰慧宗祇恁麼未審和尙如何師乃顧
眎仰曰若恁麼與哭何異師乃休

箭鋒拄劔刃交移星轉斗換象抽爻回晉暮雲歸
未合擡眸新月上林梢

黃檗在南泉普請擇菜次泉問甚處答曰擇菜公曰
將甚麼擇師提起刀泉曰祇解作賓不解作主師以

刀點三下泉曰大家擇菜公泉一日曰老僧有牧牛
訶請長老和師曰某甲自有師在師辭南泉泉門送
提師笠曰長老身材沒量大笠子太小生師曰雖然
如此大千世界總在裏許泉曰王老師聲師戴笠便
行

賓主歷然活潑潑吹毛用處乾坤黑無腔雪曲扣
知音妙展家風人莫測縱奪同時善抑揚大千總
在箇中藏龍蛇陣上多機變海內橫行越大方
黃檗示衆云汝等諸人盡是噇酒糟漢恁麼行腳何
處有今日還知大唐國裏無禪師麼時有僧出云只

撰述

這卷書的三金光

如諸方匡徒領衆又作麼生師云不道無禪祇是無
師

超師作啓後昆喧酒糟漢蟻聚蠅奔定龍蛇兮眼
何正彰大用今師不存陣雲橫海上拔劍攬龍門
下眎佛祖爲兒孫蕩蕩巍巍顯獨尊

長慶大安禪師初造百丈禮而問曰學人欲求識佛
何者卽是丈曰大似騎牛覓牛師曰識得後如何丈
曰如人騎牛到家師曰未審始終如何係住丈曰如
牧牛人執杖眎之不令犯人苗稼師自茲領旨更不
馳求

爲人直截沒周遮舉足分明便到家果爾時中能
管帶何妨高駕白牛車不動步越流沙枯木龍吟
消息盡風旛錙對自開嚮

臨濟大師住鎮州臨濟一廄小參曰有時奪人不奪
境有時奪境不奪人有時人境兩俱奪有時人境俱
不奪克符問如何是奪人不奪境師曰煦日發生鋪
地錦嬰兒垂髮白如絲符曰如何是奪境不奪人師
曰王令已行天下徧將軍塞外絕煙塵符曰如何是
人境俱不奪師曰并汾絕信獨處一方符曰如何是人
境俱不奪師曰王登寶殿野老謳謌符於言下領旨

暖風浩浩烘天地是處江山錦繡新
皴碧蹙紅無限意醉眠公子不知春
等閒一吸滄溟竭無限波瀾徹底乾擊碎珊瑚枝
上月不留光影與人看

正令全提無縫罅聖凡誰敢犯當頭有情有理俱
三段一劍霜寒萬國愁

天普益兮地普擎邇行日月鎮常明一人端拱無
私化萬國謌謠享太平

臨濟曰大凡演唱宗乘一句中須具三玄門一玄門
須具三要有權有實有照有用汝等諸人作麼生會

下座

一句全提玄要旨綱宗通攝了無遺吹毛用處天
魔喪毒鼓轟時佛祖馳彩画虛空無向背玲瓏八
面有風規高提祖印誰能委獨許超方作者知
僧問如何是真佛真法真道乞師開示師曰佛者心
清淨是法者心光明是道者處處無礙淨光是三卽
一皆是空名而無實有如真正道人念念不間斷自
達磨大師從西土來祇是覓箇不受惑底人後遇二
祖一言便了始知從前虛用工夫山僧今日見處與
祖佛不別若第一句中薦得堪與佛祖爲師若第二

句中薦得堪與人天爲師若第三句中薦得自救不了僧便問如何是第一句師曰三要印開朱點窄未容擬議主賓分曰如何是第二句師曰妙解豈容無著問漚和爭負截流機曰如何是第三句師曰但看棚頭弄傀儡抽牽全藉裏頭人

至鑑本來無一物纔分朕兆有三才玄爐大冶烹羣象捏聚依前又放開

師謂僧曰有時一喝如金剛王寶劍有時一喝如踞地師子有時一喝如探竿影艸有時一喝不作一喝用汝作麼生會僧擬議師便喝

迅雷一擊電光馳地軸天關悉轉移顛倒陰陽歸掌握黃頭碧眼莫能窺

師一日示衆云參學人大須仔細如賓主相見便有言說往來或應物現形或全體作用或把機權喜怒或現半身或乘師子或乘象王如有真正學人便喝先拈出一箇膠盆子善知識不辨是境便上他境上做模倣學人又喝旣人不肯放此是膏肓之病不堪醫治喚作賓看主或是善知識不拈出物隨學人問處卽奪學人被奪抵死不放此是主看賓或有學人應一箇清淨境界出善知識前善知識辨得是境

把得拋向阨裏學人言大好善知識知識卽云咄哉
不識好惡學人便禮拜此喚作主看主或有學人披
枷帶鎖出善知識旅善知識更與安一重枷鎖學人
歡喜彼此不辨喚作賓看賓大德山僧所舉皆是辨
魔揀異知其邪正

兩鋒開展槍旛互換全機作者知一點不來雲
萬里絲毫纔失路千岐吉凶爻象須抽換生死關
頭貴轉移橫按鎮鉤全正令寰中端坐鎮雄基
示衆我有時先照後用有時先用後照有時照用同
時有時照用不同時先照後用有人在先用後照有

汰在照用同時驅耕夫之牛奪餓人之食敲骨取髓
痛下鍼錐照用不同時有問有答立主立賓合水和
泥應機接物若是過量人向未舉已前撩起便行猶
較些子

古鏡當臺絕空畱胡來漢現足機籌指南一出很
煙盡霹靂纔收電火流把住衆流俱截斷放行攜
手御階遊回途得妙無多子一月光含八百州
上堂次兩堂晉座相見同時下喝僧問師還有賓主
也無師曰賓主歷然師召衆曰要會臨濟賓主句問
取堂中二晉座

撰述

達變禪師語錄卷四

兩堂同喝鍼鋒相對賓主歷然是何三昧二水中
分白鷺洲三山半落青天外一語歸宗萬國朝虛
空合掌森羅拜

達變禪師語錄卷第四

達變禪師語錄卷第五

侍者海濤記錄

垂問

人人有箇影子寸步不離卽不問目瞳無影時如何
冤有頭債有主爲甚麼柔對上著煞穀對上汁出
種麻得麻種豆得豆因甚有善因而招惡果

犀因玩月文生角象被雷驚等入牙卽且置文彩未
彰已前道將一句來

如如向上沒可安排爲甚麼建汰幢立宗旨
是汰平等無有高下趙州爲甚麼三等接人

爺鋒相拄卽不問袖裏藏鋒一句作麼生道
風不來對不動爲甚麼絕頂無根艸無風自動搖
傾湫倒嶽卽不問不涉泥水道將一句來

連鞘下雨天人見水是琉璃魚龍見水是窟宅凡夫
見水是水餓鬼見水是火衲僧家見作麼生

汝若進一步卽述其理若退一步又失其事若也宋
然地又是灰漢作麼生免得此過日輪無邊無取向
應病與藥卽不問公卻藥忘道將一句來

若也廣尋文義猶如鏡裏求形更乃息念觀空喻似
日中逃影不涉二途作麼生道

汾陽道識得拄杖子一生參學事畢泐潭云識得拄
杖子入地獄如爺狀一等是拄杖子爲甚麼有得有
失

煎三三後三三卽不問羌煎絕後一句作麼生道
不可毀不可贊體若虛空無畔岸卽不問通褒貶一
句作麼生道

鮎魚上竹竿一日一千里卽不問不涉程途一句作
麼生道

少林一脈祖祖相傳因甚道大唐國裏無禪師

有佛處不得住無佛處急走過畢竟向那裏安身立

機述

命

佛身充滿於法界爲甚麼佛法不到北俱盧州
大坐當軒卽不問如何是不露鋒骨底句

向上一路千聖不傳達磨西來所爲何事
高高峰頂立不解從空放下淡淡海底行不能步步
登高祇如二邊不住中道不居底畢竟如何話會
始從鹿野苑終至跋提河於是二中間未嘗說一字
大藏小藏甚處得來

道無心合人人無心合道爲甚麼無心猶隔一重關
一人有慶兆民咸賴爲甚麼庭前生瑞艸好事不如
無
古人云施主一粒米大如須彌山若還不了道披毛
帶角還祇如頭上角不全身上毛不出且道是何果
報

石長無根對山含不動雲因甚又道青山與白雲從
來不相到

有水皆涵月無山不帶雲夜月舒光爲甚麼碧潭無
景

問僧行緣

問僧甚處來云國清來師云既是國清爲甚麼狠煙

撰述

卷之三

三

徧界市地刀鎗僧擬議師云上座正開在問孟冬薄寒作何色師云且歸煩室商量

問佛與衆生等無差別爲甚衆生受佛戒卽入諸佛位師云從前汗馬無人識祇要重論益代功雜碎袈裟佛佛授手威音那畔阿誰傳持師云錫挂妙高新日月衣披夏古舊雲煙那伽常在定無有不定時爲甚因戒生定師云爲憐三歲子不憎兩莖眉三白羯磨是戒耶和尚阿闍黎乃至袈裟等是戒耶旣都不是畢竟以何爲戒師云是事如是持

僧參師問打破虛空底人向甚麼處藏身云一毫頭上定乾坤師云一毫吞卻山河大地則易山河大地吞卻一毫則難你作麼生會會無語師云大好一毫頭上定乾坤

問僧情存聖量猶落汰塵已見未忘還同滲漏了事衲僧如何受用僧云出頭天外看誰是我般人師云念言語漢未在更道僧無語師便打又僧云隨處得安閒師云亂統作麼僧無語師打云蝦蠅又一僧云莫把是非來辨我師云者是長連牀上學得底畢竟如何受用僧無語師直打出

問瑩侍者日月傍照三天下正照四天下卽不問日

月威光照不到處道將一句來云夜半正明天曉不
露師云是不是更道看者無語師云氣急殺人
問僧甚處來云紹興來師云父母未生前從甚處來
云徧界不會藏師云者是古人底如何是你自己底
僧無語師便打

問如何是佛師云禮三拜向你道如何是法師云流
通今古如何是僧師云眼橫鼻直僧禮拜師卻問如
何是佛僧無語師指露柱云你且向者裏參去

問激侍者從來水火不同體因甚水裏火發激云別
是一家風瑩侍者云大用現前一僧云山上有鯉魚

海底有蓬塵師云者是國一禪師底與你沒交涉僧
無語師喝出

問瑩侍者蟄戶不開龍無龍句知你會不得祇如枯
木裏龍喎且道是何章句者云悉唎悉唎蘇嚕蘇嚕
師云依稀相似彷彿不同

問百尺竿頭卽不問縣哩撒手事如何師云分身萬
象中

問僧不是心不是佛不是物是箇甚麼僧云某甲不
明師云不明處明取云如何是不明處師云黑似漆
明如日云畢竟如何是不明處師云山門頭合掌佛

攝述

殿裏燒香

問德雲從來不下妙高峰善財去參因甚卻在別峰
相見師云大人境界普贊知

問僧甚處來云湖州來師云湖州有箇端師子卽今
在甚麼處云湘之南潭之北師云者是耽源底與端
師子有甚交涉僧無語師云弄虛頭漢

問僧生路上死人無數熟路上不著活漢你作麼生
會云某甲到者裏弓折箭盡求和尚指示師便打
僧問枯木嵒路多如何得不鎗路師云看脚下
隨問僧枯木嵒是何意旨僧無語師云寢也未寢

見說甚枯木嵒

僧臨行問兩腳梢空時如何師云忝殺閼黎緊峭岬
鞍時如何師云絆殺有分僧云鞠生便是鳳凰兒師
云老鶴未許你枉

僧參師問從甚處發足云南嶽師云你道思大師鼻
孔長多少云與和尚一般師云你道我鼻孔長多少
僧擬議師便打

僧參師問一向在那裏住云福建鼓山師云曾見晏
國師否云不會見師云你不會在鼓山住
僧問正睡著無寢無想無見無聞主人公在甚麼處

撰述

遺稿卷之三

師云我且問你日間浩浩地主人公在甚麼處僧拍
桌一下師云此是風力所轉終歸敗壞云瓮中不委
鼈師云瓮中不委鼈火裏卻生煙

偈

送禪人行腳

春光入幕時相識轉盼秋聲又將息艸輶緊峭別峰
頭公公叢林須辨的未有常住而不行抹過須彌一
坦平未有長行而不住堂堂坐斷千巒路行卽住住
卽行竿頭百尺路縱橫住卽行行卽住廓周沙界何
來去從前大道沒遮攔究竟不會離一步

和石頭回禪師艸菴詞

艸菴軒豁堪棲止虎護階前清飈起風月等閒恣吐
吞重重圍繞好山水住山活計問如何日用頭頭無
不是古路平世界墮無心合道道方偶一言曾脫野
狐身鞭艸血流頑石啞劙對牙血盆口驅耕籍盡饑
夫有栗棘蓬藋百雜碎喝下須彌山倒委虛空煥若
金光聚耀古騰今人不喻大千函蓋在其中七曜依
之而順度謾嗟汰滅天人憂祇爲吾儕識浪遊寶藏
自家渾不顧癡狂偏愛鏡中頭無住著任喧幽事事
全彰汰汰收三萬倪臺方丈著百千獅子一毛頭天

櫛述

萬葉傳註解卷五

然古朴家風妙。豈羨浮華碧玉甌石頭唱我和醻同
風未敢必。師儕吾愛吾廬雅自玉棲真彈指足千秋
靈峰山謡

古靈峰無內外。劫火炎中常自在。巍然迥出最孤高。
八面玲瓏非向背。難描邈超意。况未諳入處。從渴仰。
雲裏栴檀香已久。風煎鍊對萼初放桂輪綸珠露落。
白銀世界何寥廓。夜明簾外任橫身。鳥道玄途頻下。
腳峰巒秀谿壑寬。水出高原受用便。剝派分宗能普潤。
澄潭不許老龍眠。過量人弘此道。鍊壁銀山都靠倒。
更將大地作紅爐。祖佛聖凡齊鑄造。不繇他全在。

已汰汰收歸掌握裏。未來出格好風光。總在如今一念始絕。覆藏難隱。諱充塞乾坤。無不是毫釐毫厘處。隔天淵。何曾踏著者些子。須透徹。始知音箇事。休於紙上尋。從來妙語非干舌。本有天機海。攪淡迷卽失悟。卽得掣電光。中分白黑迅雷。粉碎太虛空。玉人寢破生平惑。圓通少偏見。多遂成雪曲與巴謡。師絃一奏羣音絕。休問如何與若何。

拄杖謡

扶傾伴月一拄杖。赤體條條寧較樣。風埃不著自神奇。傲雪欺霜有骨壯。最圓明。何假漆傑出。叢林作標

換述

五經之真言

格縱奪事事渾無礙爲人不費絲毫力任橫拈憑倒卓耗動三有齊震愕疾如金翅攫獰龍遼空劈海何須摸顯全提彰大用覩面提持非戲弄鞭起鍊牛離火水解鍼枯骨知性命無背面沒心情豈屬陰陽造化生敲磕虛空饒有響橫過全毒鼓無聲攜佛祖撐乾坤獨拔無門解脫門長於上古而不老後天地極而長存

示禪人

至道難明要究明悟來方始出常情獅絃乍奏羣音絕金翅纔飛衆鳥驚剔起兩眉須自薦聊通一線要

君醒男兒好具超方眼莫似時流造次行

除夕

道人胸次冷如冰話到季窮似未曾懶補衲衣雲一片從他垢面髮鬢通紅不息地爐火獨燿無私古殿燈明日斬新條令句敲空作響韻鼴鼴

和靈澄禪師山居詩

因僧問我西來意我話山居不計季樂道人空窮徹骨畏寒我且髮披肩研將石罅龍須竹覓到厨中象眼泉清冷家風誰會得一鉤新月挂簾前
因僧問我西來意我話山居不計季貝葉謗遮緇素

概述

卷之三

六

眼袈裟難搭利名肩盡驚慈化神移對若慕真風虎
送泉自笑生平無伎倆鋤雲幾度薜蘿前

賦得參差竹影上東牕

月上東廊夜未央紙牕筠影拂寒光初疑水墨良工
妙漸聽蕭疎風韻長快我案前清眼目奇君格外露
行藏終宵坐對何靈活密室機先代舉揚

和越五陳居士韻

廻出靈岳結石楠答人於此悟無生譚禪月殿龍投
座散步雲梯虎伴行擎雨室空難點綴機圓見徹任
縱橫謗言衣益無分付千古高標啓後英

壽本師天童和尚五袞

巖桂香飄古道場汎王初度先重陽望隆海內家風
潤德被寰中化日長戶外天人爭踴躍座前衲子競
鏗鏘虛空壽量憑何祝喜聽雷音徧十方

送友住剡谿

幾回清夜話松牕別思悠悠竟莫降片月那堪留公
景好山自是動眉雙一毛吹起明宗旨寸艸拈來建
汰幢他日儻能期我社不辭迢遞剪寒江

擬梅送友住大梅寺

瘦景離奇異衆芳南枝再發更殊常冷涵玉愛萼初

拂迦

拂迦禪師詩卷第十六

十

綻露滴酥懷味奈嘗將領紅英歸上苑不兼粉蝶逐
霓裳生機豈藉東風力占斷春光轉少陽

大梅

簸箕擊碎虛空藏放出渾身白玉毫唱拍獨聯雲外
調親疎一劄笑中刀颶聞密室玄機宗虎建方墳道
韻高莫謂師歸無處覓大梅山月浸松濤

龍山

高步不從雲水入青山未住已先來三間容納虛空
小六戶通明晝夜開賓主謁分簾外月是非徒折鏡
中梅茅菴燒卻名難掩振古洪音響似雷

亮公

虛空講得尙誦譏再喚回頭不較多幕地打翻關帳
子全身跳出葛藤窠纔離幽谷遷喬木便賣松風入
翠蘿千古西山名徹遠聲光赫赫滿娑婆

船子

無地無錐徹骨窮空船赤手展家風中流兩岸頻遙
棹苦海千波任轉蓬透網金鱗纔滯水爆顛電火急
飛紅入泥入水尋亭老師表江南獨讓雄

次宋學士靈峰畱題韻呈本師和尙

幽棲高託入雲天四海禪流走萬千釣入滄波忘際

櫻述

卷之三

十一

岷身藏北斗絕中邊孤芳嫩桂開僊苑獨秀靈苗長
石田最喜祖庭重展拓千斤汰擔有人肩

臘月三鼓出坡口占

雞鳴出遠坡信步轉山阿鶴髮霜華染鶴衣風簾過
曲澗水生骨長空月渡河半生行腳事古鏡不須磨

山居

幽鳥林間奏管絃香風澗水盡譚禪客來動問山中
趣笑指喬松有鶴眠

折腳鐺煨瓔珞粥空心銚煮澹黃齧現成受用無多
子贏得疎慵倚杖藜

荷上露珠

輕盈本自瑤階下妙轉風流不露蹤千手大悲難捉
摸翻身又入水晶宮

破艸蹊

萬壑千峰曾踏斷通身骨露更忘疲而今投老岳隈
下臥月眼雲是所宜

臘月送亾僧值雨

濛濛四野凍雲垂火送亾僧冒雨回莫謂女人消息
斲短牆新放一枝梅

朔風欲剪素毛新吹落梅萼不染塵古徑瀟瀟松底

換述

卷之三

十一

雨一般清冷泣同人

辭世偈

五十二季如一寢就裏全機無別共真人無位無生
滅梅梢月上清風動臨行句子少人知八面玲瓏無
罅縫咄哉四海衆高流莫弄虛頭休打閑若是無依
過量人出生入死能珍重有權有實有照有用八角
車輪空裏轉焦輶打著連底凍

佛事

挂過堂版風骨嚴冷體性剛堅規模浹席號令人天
有準有則無倚無偏動則轟轟烈烈靜時密密絲絲
玉應金春香積內雲奔水赴雁堂煎正當恁麼時如
何擊一下云輕輕擊著如雷垢好聽希聲徹大千
六和火光燄燄淨羸羸和上人還會麼直教火裏現
全身充塞乾坤絕包裹

澄源火數載叢林木作一旦桶榼爆卻驀然徹底無
依直下灑灑落落火光燎著面門時無位真人光燄
燄燄目火大悲千眼非多臨濟一隻非獨果汝慧目圓
明照破生死起伏其或未然直下爲汝點開徹證本
來面目

一
標題

卷之三

淨虛化主火者箇師僧逆行順化行平等慈毫無虛
詐臨行一段光明洞徹天上天下喫腳跟不動到家
鄉常宋炎中天不夜

體用火體卽用用卽體任用縱橫自家底放去收來
珠丸盤坦然無礙超生死還委悉麼觸處洞然無間
隔燿古騰今活潑潑

空如火空如來藏碎祖師關超宗越格一刹那間
雲崕火孤雲自在出沒崕巔放開彌布徧覆三千火
雲斂處髑髏乾情與無情等煥然

明通火生死牢關如打徹祖師玄旨便明通臨行一

句重相爲火入火兮空合空

體園火無欠無餘絕正偏當人本體自周園死生洞
徹渾無礙劫外今時沒變遷纔擬議隔天淵更入紅
爐重煅過精金火後轉火鮮

周徧火廓徹無依悉周徧無邊刹海不隔線十方世
界現全身坐斷古今無背面薦不薦掣電神機火燄
燄

蒼石火當陽直指莫疑猜火把頭邊正眼開生死涅
槃俱觀破石人撫掌舞三臺

果生火有情因地果還生須悟當生生不生直下分

撰述

高僧傳記 卷之三

明親見徹菩提妙果本圓成

涵宇禪人火佛轉法輪火燄裏雷轟電掣譚玄旨有時燄裏結寒冰有時千尋開碓柴禪人若悟目前機與佛同生同住止烈燄光中歸太來騰騰腳底清風起

三一上座火一卽三三卽一放開捏聚最綿密平生胸次若冰霜處衆謙光還朴質世緣六十又三季撒手便行能事畢且道如何是末後一句優曇萼向火中開透骨馨香是今日

曉峰禪人火白晝雷轟電閃爍鍊牛掣斷黃金索驀

然躍出海門東八臂那吒難捉摸曉禪人能濶縡烈燄炎中信腳行清風無限生頭角預知時至吉祥而逝道山火出保社入叢林親師擇友一片苦心未明三八九不免自沈吟今日皮膚俱脫落通身剛骨盡黃金更有一轉身一句子直截當陽爲君指勝爇門中掉臂行毘盧頂上清風起

冬日爲照如火一道神光有照有用以此輔弼叢林以此赤心爲衆會得生死一如不會開眼作夢與君覲面提持大似一陽解凍攏火草云可中醫地解翻身烈燄爐中飛彩鳳

標題

淨修禪人起龕惟爾淨修積功累德發廣大心爲衆竭力衛暑冒寒精勤不息今輒擦手便行指爾超生佛國脚下無私路路通十方俱徧絕行蹤騰身高步毘盧頂踢倒須彌與別峰

尊嚴比丘尼火生也全機見歟也全機見生歟不相干獨露本來面本非男女相何妨能轉變石女天明戴帽歸撞破虛空七八片無端驚起富羅山逡巡走入空王殿莫他求願自薦更存未後句爲伊通一綫烈燄光中綻白蓮大千刹海都開徧

戒微充公起龕叫不應山無陰陽地不露頭角全彰

意氣時節到來爪牙俱利以杖擊龕云杖頭擊著便翻身師子奮迅恣遊戲 煙骨生緣八閩往來兩浙德望旣充衆咸喜說出入叢林人呼俊傑肩底能舒白玉毫眼中不著黃金屑四十餘季一寢中泥牛走入金毛穴今翦徹底爲掀翻窠臼不存好時節末後句爲君設斬新更入洪爐煅洪爐燄裏寒冰結劫火炎中得自繇一片清涼除惱熱淺葬數季今煅過入普同塔

衆靈骨起龕四海衆高流大家在者裏示宋有先後歸源無此彼鍊牛不臥兎陂真龍豈藏歟水密逢一步透重關西方入定東方起 煙骨歟骷髏活龍象

逐隊成羣東拋西放多幸雨打風吹幾度雲封雪葬
未能浹合古規豈得通身快暢今朝獨露風腋指爾
單明向上還會麼瞥轉一機急著眼看一齊燬送入
紅爐透出白毫光燦爛妙手僧繇画不成充塞虛空
無際峯普同入墮白銀世界金色身情與無情共
一真浹源平等何高下總是靈山一會人忘彼我絕
棟視箇箇全身無向背人人眼出透金塵今日同歸
無縫墻正體堂堂沒卻身諸仁者既是正體堂堂爲
甚麼沒卻身不見道天曉不露夜半正明
斷塵木頭起龕無榮無辱過生平寢入南柯眼未明

60

1

2

3

4

5

6

7

8

9

70

1

2

3

4

5

6

7

8

9

80

1

2

3

4

5

破坦然高步涅槃城

圓妙絕後再甦
人裏翻身能跨

如薦

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

